

NY TAOM-PIANGONANA

FILADEFIA

 Nandeha ny rahalahy ka nitondra tarta serizy goavana, mafana iray ho ahy. Teneniko aminareo, tsy maintsy misy tiana lazaina izany. Ary hoy izy hoe, “Oadray...” Ahoana ny amin’izany, Rahalahy Neville? Io izy. Hitanareo? Toy ny karazana tarta serizy iray tiana indrindra izany. Tsara marina tokoa ilay izy. Tahaka ny lazaiko fotsiny mikasika azy hoe rehefa mihinana tarta serizy ianareo, ankehitriny, matetika dia tonga eo amin’ny voany iray ianareo. Ankehitriny, izaho tsy—tsy ilay tarta no ariako, ilay voany fotsiny no ariako ka manohy mihinana an’ilay tarta serizy aho.

² Tahaka an’izany no tiako hataonareo mikasika an’ireto hafatra ireto. Rehefa tonga ianareo... Manohiza miaraka amiko avy hatrany, rehefa midôna amin’ny zavatra iray ianareo ka ianareo dia tsy afaka—tsy afaka mitelina Azy tsara fotsiny ianareo, nahoana, eny, izao fotsiny...aza ariana ilay zavatra manontolo, ario fotsiny ilay ampahany (ilay voany), ary manohiza mihinana an’ilay tarta fotsiny. Nahoana, vao mianatra ianareo. Ah-ham.

³ Rehefa ianareo... Tia akoho ve ianareo, akoho voaendy? Saiky ny olona rehetra no tia. Eny, noho izany, rehefa mihinana akoho ianareo, ka midôna amin’ny taolana, dia tsy ilay akoho no arianareo, ilay taolana fotsiny no arianareo. Tsy marina ve izany, Pat? Ario fotsiny ilay taolana, manohiza mihinana an’ilay akoho.

⁴ Eny, faly isika satria afaka mihinana Sakafo izay tsy misy taolana na voany ao Anatiny. Nidina avy tany An-danitra ireo galety, nantsoina hoe “Mana,” voasarona manontolo tamin’ny hamamian’ny Lanitra.

⁵ Fantatrareo, mino aho fa Davida no nilaza indray mandeha hoe, “Ny tsirony dia tahaka ny tantely ao anatin’ny vatolampy.” Mino aho fa ilay poetry no nilaza hoe, “Izany dia Tantely tao anatin’ny Vatolampy.” Oh, ry rahalahiko, efa nandramanareo ve ilay... hitanareo ilay... tahaka... manana tsirony tahaka ny tantely ao anatin’ny vatolampy. “Tantely ao anatin’ny Vatolampy, ry rahalahiko.” Tahaka an’izany ilay izy.

⁶ Ankehitriny, fantatrareo, izaho—nanontany aho indray mandeha ny dikan’ny hoe, “tantely ao anatin’ny vatolampy.” Dia nieritreritra aho hoe, “Eny, angamba nahita tranon-tantely tao anatin’ny vatolampy iray izy ireo indray mandeha.” Saingy hitako ilay izy, nahazo tsindrimandry kely mikasika an’izany aho. Izaho... Tsy tamin’io fotoana izay nitadiavako azy io,

fa taty aoriana dia hitako fa ny tsirairay avy tamin'ireo mpiandry izay nanana ondry ireo... Misy zavatra mikasika an'izany, fantatrareo, ny vatantsika dia vita avy tamin'ny vovoky ny tany. Ny tsirairay—ny zavatra velona tsirairay dia avy tamin'ny tany. Ary teo ireo mpiandry ireo, nino fa ny sokay dia nanampy ny ondry rehefa nisy zavatra tsy nety taminy, fantatrareo, aretina, na zavatra iray hafa. Tian'izy ireo hilelaka teo amin'ny vatolampy izy. Efa nahita ondry nanao an'izany ianareo, mandeha milelaka eo amin'ilay vatolampy. Ary mba hitondrana ny ondry hilelaka teo amin'ny vatolampy, dia nandraraka tantely sasantsasany teo amin'ilay vatolampy izy ireo. Ary tamin'izay fotoana izay dia nandeha nilelaka an'ilay tantely ny ondry, ary avy eo dia nilelaka an'ilay vatolampy koa izy ireo, hitanareo, rehefa—rehefa nilelaka an'ilay tantely izy.

⁷ Eny, manana boaty amina kitapo iray manontolo feno Tantely isika eto. Hapetratsika eo amin'ilay Vatolampy izany, tsy eo amin'ny fiangonana iray; eo amin'ilay Vatolampy, Kristy Jesosy. Ary ianareo ondry mandehana milelaka ankehitriny, fa ianareo—ianareo—ianareo dia—azo antoka fa ho salama eo no ho eo ianareo. Hiala ireo olam-pahotana rehetra rehefa milelaka—milelaka an'ilay Vatolampy ianareo. Izay ihany no tokony hataonareo.

⁸ Ny zavatra iray mikasika ny vatolampy dia manana fanasitranana an'izany izy, fanasitranana. Tamin'ireo andro lasa, talohan'ny nananan'izy ireo an'ireo tsindrona fanefitry ny haromotana, dia nampiasa izy ireo an'izay nantsoin'izy ireo hoe ny “vato fanefitry ny haromotana.” Rehefa tratry ny kaikitry ny alika romotra iray ny olona anankiray, nahoana, dia napetrak'izy ireo teo ambonin'io vato fanefitry ny haromotana io izy. Ary ankehitriny, raha ilay vato fanefitry ny haromotana... Raha niraikitra teo amin'ilay vato fanefitry ny haromotana izy, dia lasa salama; raha tsy niraikitra izy, amin'izay fotoana izay dia lasa mihombo lavitra be ilay marary, izy—ho faty izy.

⁹ Noho izany dia tahaka an'izany ilay izy amin'izao andro izao. Ny kaikitra ratsy indrindra izay fantattro dia tsy alika romotra iray, fa ny devoly. Ary manana Vato iray ho an'izany isika, Vatolampin'ireo Taona. Mifikira fotsiny eo amin'Izany. Raha mbola mifikitra foana ianareo, dia ho lasa salama. Ary aza mamotsotra mihitsy ka miverina, manohiza mamikitra fotsiny. Miraiketa amin'Izany, ary—ary ianareo dia—ho mety tsara ianareo.

¹⁰ Ankehitriny alohan'ny hidirantsika ao amin'ny lesontsika hariva, dia—dia te-hitsangana vetivety fotsiny isika, raha vitantsika, ho an'ny tonom-bavaka iray.

¹¹ Tsy anabavin'i Robert Daugherty ve ianao, sa tsy izany? Eto. Niantso ahy izy omaly, mino aho fa izay ilay izy, ary niresaka fa nila vavaka izy. Ary izaho—tsy nahafantatra aho, toa misy

zavatra itovizany aminao, tsy fantattro na izy ianao na tsia. Nahita anao teto aho omaly hariva.

¹² Ankehitriny, firy no te-ho tsarovana eo anatrehan'Andriamanitra, na mila an'Andriamanitra hahatsiaro anareo, raha ny marina? Izao fotsiny . . .

¹³ Ry Rainay any An-danitra, tahaka—tahaka ny nahazatra ny mpitarika hira kelinay any Chicago nihira hoe, "Tsarovy aho rehefa miraraka ireo ranomaso," Tompo, dia tsarovy aho ankehitriny. Ao amin'ilay oram-pahafatesana, ao amin'ilay . . . mandritry ny fiainana manontolo, dia tianay Ianao hahatsiaro anay, Tompo. Tsarovy izahay tsy amin'ny maha-mpanota, amin'izay maha-izy anay, fa tianay Ianao hahatsiaro anay amin'ny maha-Kristiana niaiky; hoe izahay dia nanaiky an'i Jesosy Kristy, Ny Zanakao, sy Mpamonjinay, ho an'ny . . . ho fanaovam-panavotana anay ho an'ny fahotanay. Fa, fantatray fa izany no anjara tokana—tokana izay anananay, ilay lèlana tokana, ilay fomba tokana ho an'ny famonjena. Izany dia tsy amin'ny alàlan'ny fiangonana iray na amin'ny alàlan'ny fitaovana mekanika hafa, na rafi-pandaminana iray, fa amin'ny alàlan'i Jesosy Kristy, ary Izy irery ihany.

¹⁴ Noho izany dia manatona amin'Ny Anarany izahay izao hariva izao, mangataka mba Hitahianao anay raha manangona ny tenanay miaraka izahay mba hianatra Ny Teninao ka hahafantatra an'izay Anananao ho anay ao amin'ny fitehirizana, ho an'izao hariva izao. Mba ahafahanay hanangana ny—ny vatanay ara-panahy ho Fiangonana velona iray. Fiangonana iray izay Ahafahanao miaina, sy mandeha, ary mahatsapa hahazo aina, mandeha eo anivon'ny Olonao, miteny aminay an'izay hatao, ka hahafantatra fa hanao an'ilay izy eo no ho eo izahay.

¹⁵ Ary tianay Ianao, Ray, saingy fantatray fa tsy mbola ao anatin'ny toerana tsara izay Ahafahanao hiresaka amin'ny alàlanay arak'izay Irianao mihitsy izahay. Noho izany dia mivavaka izahay mba Hamorànao, izany hoe, hanesoranao an'io fahadalana rehetra io, io nofo mihoatra rehetra io hiala aminay izao hariva izao, mba ahafahanay ho voatokana ho Anao manontolo, mba Ahafahanao mampiasa anay amin'ny fotoana rehetra. Ary mivavaka izahay mba ho izao hariva izao izany fotoana izany, Ray, izay Hampiasanao anay hamoaka an'ireo vaingam-bolamena ireo avy ao amin'ny Baiboly ka hampangilatra azy ireo ary hamela ny olona hahita ny taratré'i Kristy ao amin'ity taom-piangonana lehibe ity. Mangataka an'izany amin'ny Anaran'i Jesosy izahay. Amena.

¹⁶ Ankehitriny, efa nanana an'ireo taom-piangonana isika ankehitriny, hatreо amin'ny taom-piangonana an'izao hariva izao, dia ny taom-piangonana fahenina. Rahampitso hariva dia hamarana an'ireo taom-piangonana; efa naka anankiray isankariva, Alatsinainy hatramin'ny Alahady. Ary izao hariva izao,

ilay taom-piangonana dia antsoina hoe ny Taom-Piangonana Filadelfia. Ary ilay kintana na ilay-ilay iraka, anjely-iraka ho an'io taom-piangonana io, mino isika, am-panajana, amin'ny fontsika rehetra, fa ho i John Wesley. Ilay taom-piangonana dia nanomboka tamin'ny 1750 rehefa nifarana ny taom-piangonana Loterana, ary naharitra hatrany amin'ny 1900 tany ho any, nanodidina ny 1906 A.D., ny Taom-Piangonana Wesleyana. Ary avy eo, niditra avy teo amin'izany, ny Laodikia.

¹⁷ Ary ankehitriny ilay taona dia ny taonan'ny...taom-piangonan'ny "fitiavan'ny mpirahalahy," ny taona "misionera" lehibe sy ny taonan'ny "varavarana misokatra." Ary ny valisoa dia a-andry iray, "nanao andry iray," sy ny fanambarana an'ireo anarana telo: ny anaran'Andriamanitra, ny anaran'ny Tanànan'Andriamanitra, ary ny anarana vaovao an'Andriamanitra, no fanambarana izay nomena an'ity fiangonana ity ao amin'ity taona ity. Ary ankehitriny, ilay fiangonana...Ity taona ity dia manomboka ao amin'ny Apokalypsy 3:7, hatrany amin'ny andininy faha-13, ary ny andininy faha-13 manontolo, Apokalypsy 3:7 hatramin'ny 13.

¹⁸ Ankehitriny, efa namerina njery kely azy ireo isika ny hariva, niverina. Ka ny taom-piangonana voalohany, dia ny Taom-Piangonana Efesosy. Misy olona iray afaka milaza avy hatrany ve hoe iza ilay anjely na ilay Hazavana izay (mpitoriteny) an'io taom-piangonana io? Paoly. Ny Taom-Piangonana Efesosy, A.D. 55 hatramin'ny 170. Ny antony nandraisako ny 55, dia tamin'izany no nanombohany ny dia misionerany, ary tamin'izany no nametrahany an'ilay fiangonan'i Efesosy sy ireo—sy ireo fiangonana samihafa tany.

¹⁹ Eny àry, ny taom-piangonana faharoa dia ny Smyrna. Misy olona iray afaka mahatsiaro ve hoe iza ilay anjelin'io taom-piangonana io, ny iray ato amin'ny kilasy? Irenée, marina izany. Eny àry, izany dia 170 hatramin'ny 312.

²⁰ Ny taom-piangonana fahatelo dia ny Taom-Piangonana Pergamosy. Misy olona iray afaka mahatsiaro ve, ato amin'ny kilasy, hoe iza ilay olo-masin'io taom-piangonana io? Masindahy Martin, marina izany. Nanomboka tamin'ny 312 hatramin'ny 606.

²¹ Ary avy eo ny taom-piangonana manaraka dia Tyatira. Misy olona iray afaka mahatsiaro an'ilay olo-masina sy ilay iraka, anjelin'io taona io ve? Colombia, marina izany. Ary izany dia 606 hatramin'ny '515.

²² Ny manaraka dia ny Taom-Piangonana Sardisy, izay omaly hariva. Ary misy olona iray...mazava ho azy, fantatrareo hoe iza ilay anjelin'io taom-piangonana io. Tsaroanareo ve? Martin Luther. Ary avy eo ny azy dia 1520 hatramin'ny 1750.

²³ Ary izao hariva izao dia eo amin'ny Taom-Piangonana Filadelfia isika; dia i John Wesley, ilay iraka ho an'io andro io.

Nanomboka tamin'ny 1750 hatramin'ny 1906 A.D., ary izany no taonan'ny "fitiavan'ny mpirahalahy."

²⁴ Ankehitriny, hitantsika fa ny tsirairay avy tamin'ireto fiangonana ireto, ireo taom-piangonana, dia naneho ny toetra hamantarana an'io fiangonana io. Izany—izany no niteny hoe inona ilay fiangonana sy ireo toetran'ilay fiangonana, ny toetra hamantarana, raha ny marina, an'ilay fiangonana.

²⁵ Ankehitriny, omaly hariva dia i Martin Luther. Izaho... ao amin'ireto, izaho dia.... Ny antony anaovako an'ity ary manao azy eo amin'ny horonam-peo ireo zazalahy.... Mianatra mandritry ny andro manontolo aho. Dia hoy ianareo hoe, "Mandritry ny andro iray manontolo ve eo amin'io tantara kely fotsiny izay omenao eto io?" Tsia. Ho ao anatin'ilay boky ireo foto-kevitra ara-tantara, hitanareo. Ity eto ity, izaho dia.... ny antony ahatongavako eto, dia ny hisintona an'ireo zavatra ireo avy amin'ny tsindrimandry eo anatrehanareo vahoaka, rehefa miangona miaraka isika mba hahazo an'ilay ampahany aratsindrimandry an'izany. Ny tantara, afaka mamaky an'izany avy ao amin'ny boky aho. Fa eto no itadiavako ny tsindrimandry, avy eo dia maka azy avy ao amin'ny horonam-peo isika. Avy eo isika dia manana an'ilay—ilay ananantsika.... Ao anatin'ilay boky, amin'izay fotoana izay, dia sady banana an'ilay filazana aratantara an'izany isika sy ny tsindrimandrin'ny Fanahy Masina ihany koa izay nanome antsika raha mbola miaraka eto isika, ity toeran-danitra ao amin'i Kristy Jesosy ity. Ary mino aho fa tokony hanao hevitra kely mandòna izany eo amin'ireto taom-piangonana ireto. Ary ny Tompo anie hanaiky an'ireo Fitahiany eo amin'izany.

²⁶ Ankehitriny, ny... Omaly hariva, ny taom-piangonana, ny... dia ny Taom-Piangonana *Sardisy*, izay antsoina marina tokoa amin'ny teny Grika hoe, "ilay anankiray afa-nandositra," saingy mino aho fa amin'ny fandikana Anglisy dia "maty." Ankehitriny, izany dia sady fiangonana iray "maty" no "anankiray afa-nandositra" satria izany dia ilay fiangonana izay maty teo ambanin'ny fanjakana papaly tamin'ny 1500 tany, na 1520, an'ilay—an'ilay fanjakana papaly lehibe izay antsointsika hoe ireo Taona Maizina; izay nisy ny Kristianisma teo amin'ny fihemorana ambany indrindra izay hany nisy na hany hisy, na dia tao amin'ny Taom-Piangonana Laodikia aza.

²⁷ Ankehitriny, misy ny anankiray amin'ireo zavatra mandòna na izany aza, manohiza mihazona ao an-tsainareo fa ireto taom-piangonana ireto dia manomboka, ary na inona na inona no ao amin'io taom-piangonana anankiray io dia mandeha manerana ny taom-piangonana tsirairay hatrany izany, ary ny tsirairay avy amin'ireo taom-piangonana dia mitaingina eo ambonin'ny iray hafa. Raha mianatra tsara ny tantara miaraka amin'ny boky ianareo, dia hahita.

²⁸ Ilay izy dia toy ny hoe mitaingina tahaka an'izao, mifampitaingina. Ary mandalo ny taom-pianganana anankiray, ka ilay anjely izay tonga eo anelanelany eo dia tsy maintsy mamerina an'io fianganana io ao amin'ilay finoana izay veriny fahiny. Efa izany foana ilay izy.

²⁹ Jereo i Joda, ilay boky farany ao amin'ny Baiboly, hitanareo, alohan'ny ahatongavanareo amin'ny Apokalypsy eo. Hoy i Joda hoe, "Nanoratra ho—nanoratra ho anareo aho mba hiarovanareo mafy ny Finoana izay voatolotra indray mandeha monja ho an'ireo olo-masina." Ilay fifampitaingenana, eo anelanelan'ireo apostoly sy ny fahatongavan'ny Apokalypsy, satria ny ankamaroan'ireo apostoly dia efa maty tamin'izany. Hitanareo, nandeha nitohy. Ny anankiray velona tamin'io fotoana io, dia i Masindahy Jaona, ilay masina, dia ilay mpanambara na ilay mpanoratra izay nahazo ny Fanambarana avy tamin'ilay anjelin'ny Tompo mba hanoratra ny Bokin'ny Apokalypsy.

³⁰ Ankehitriny, hitanareo, mifampitaingina izy ireo. Noho izany ankehitriny ianareo... Ataoko fa efa nahamarika an'izany ianareo ka nandray an'izany, nandeha nidina, araka ny efa nilazako azy. Ahoana fa na eto amin'ny—ny taonan'i *Sardisy* aza, dia ny taonan'ny fanambadiana izany. Marina tokoa, tsy tonga mihitsy tao amin'ny fisiany feno marina tokoa ilay fianganana talohan'i Tyatira, fa lasa nanambady izy tao *Sardisy*. Ary *Sardisy* dia midika hoe "ao amin'ny—ny fanambadiana."

³¹ Ankehitriny—ankehitriny raha mahamarika ianareo fa nivady izy *eto*, ary avy eo dia nitaingina teo ambonin'io taona io *teto*. Ary voamarikareo fa i Luther, omaly hariva, dia nivoaka niaraka tamin'ny anarana "maty" iray, anarana maty iray, ary avy eo dia "ilay anankiray afa-nandositra." Hitanareo, nanana an'ilay fianganana maty izy nanomboka *eto*, sy ny fandosiran'ilay sisa nanamborana kely izay nentina nivoaka avy tao amin'ity taona *eto* ity.

³² Ary izao hariva izao raha hamarana ny taonan'i Filadelfia isika, izany dia hampiditra ny fiandohan'ny taonan'i Laodikia.

³³ Avy eo rahampitso hariva rehefa mifarana izany avy ao amin'ny... eo amin'ny farany mihitsy, dia mahamarika ianareo, fa miseho eo amin'ny andro farany mihitsy ilay anjely (ary eo amin'ny andro farany fotsiny ihany) mba hananatra an'ilay fianganana nohon'ny nanariany ny fitiavany voalohany sy hoe ahoana no nanalavirany an'Andriamanitra tahaka ny nataon'izy ireo nanerana tany, tamin'ireo taona. Ary, amin'io fotoana io, dia tonga ny Fampakarana haka an'ilay Fianganana ho any an-Trano, ilay Fianganana dia miakatra amin'ny fotoan'ny Hafatra mihitsy. Ary noho izany isika dia—manatona an'io taona io isika ankehitriny. Efa azonareo ve izany? Eny àry. Hitanareo? Eny àry. Hitanareo, amin'ilay fotoana mihitsy izay misy an'ilay—ilay

anjelin'ny fiangonana (ilay iraka ho an'ilay taona) tonga mba hananatra azy ireo nohon'ny nanariana ny fitiavany voalohany, mitondra . . . miezaka hamerina azy ireo.

³⁴ Ilay zavatra iray ihany no ataon'ilay iraka izao hariva izao, miverina ilay anjely-iraka mba hananatra azy ireo (tahaka an'izany ny taona tsirairay) noho izay nataon'izy ireo. Noho izany dia manao fifampitaingenana iray izany eo amin'ny tsirairay avy amin'ireo taom-piangonana, mifampitaingina fotsiny tahaka an'izany. Tahaka ny mihanika tohatra iray, izany dia mipetraka mifampitaingina tahaka an'izao, mandeha miakatra.

³⁵ Ankehitriny manana ampahan-tantara fohy iray aho eto eo amin'ilay iraka ho an'izao hariva izao, ny amin'ilay John Wesley. John Wesley no kintan'ilay taona. Ary teraka tamin'ny faha-17 Jona izy, 1703, tany Epworth Rectory, Angletera. Izy no zanaka fahadimy ambin'ny folo amin'ireo ankizy sivy ambin'ny folo. John sy Susanna Wesley, no ray sy reny. Ray, mpitoky teny iray; reny, olo-masina voatokana iray; na dia niaraka tamin'ny ankizy sivy ambin'ny folo ho karakaraina aza, dia nahita fotoana betsaka nanerana ny androny tery izy hampianarana ny zanany an'ireo lesion'ny Baiboly sy ireo tantaran'ny Baiboly ary nivavaka ho azy ireo. Izany no nanao an'ireo zazalahy an'izay na ha-izy azy ireo. Ilay mpanoratra hira malaza, Charles, ny rahalahiny, izay nanome an'izao tontolo izao ny sasany tamin'ireo hira voatsindrimandry indrindra izay hany nananantsika.

³⁶ John, mpiara-miasa iray amin'i George Whitefield. John—John Wesley sy George—George Whitefield no mpanorina voalohany marina tokoa an'io Metodista . . . na ny fanamasinana.

³⁷ Nifoha aloha be i John isa-maraina; nandrity ny enimpolo taona dia nifoha tamin'ny efatra ora izy isa-maraina. Izany no zavatra anankiray izay tsy nampahomby ny fiangonana. Nifoha tamin'ny efatra ora izy isa-maraina, ary nitoky teny tamin'ny dimy A.M. nandrity ny dimampolo taona nisesy. Ary matetika izy no nitoky teny indroa hatramin'ny in-efatra isan'andro. Voalazan'ireo vahoakan'i Angletera, fa, "Nitaingina soavalys iray dimanjato sy efatra arivo maily Anglisy isan-taona izy, mba hitory ny Filazantsara." Dimanjato sy efatra arivo maily teo ambonin'ny . . . Maily Anglisy izany, fantatrareo, lava kokoa noho ny antsika izany; mba hitory ny Filazantsara.

³⁸ Boky maro tamin'ny . . . no nosoratan'ny mpanaratsy mikasika azy tamin'ny androny, nanaratsy azy, naneso azy. Fa efa ela be no nanadinoina azy ireo ankehitriny, toy izany koa ireo mpanoratra azy ireo. Tsy afaka manao na inona na inona manohitra ny zanak'Andriamanitra iray ianareo ka ho afaka amin'izany, ianareo fotsiny—miady amin'ny rivotra fotsiny

ianareo. Hanao azy ireo hiampita mihitsy Andriamanitra, na ahoana na ahoana.

³⁹ Nantsoina hoe Metodista iray izy noho ireo fomba fanaovany zavatra. Voalaza, “Tamin’ny androm-piaianany,” fa, “nitory mihoatra ny toriteny efatra arivo izy.” Eritrereto izany: toriteny efatra arivo. Tsy ela taorian’ny nahalasanany tamin’ny 1791, dia nandray ny fakany tao amin’izao tontolo izao ilay anaram-piangonana Metodista ka nanomboka an’ilay fiangonana Metodista. Tamin’izany fotoana izany, mazava ho azy, dia tonga tao amin’ilay fotoana i Asbury sy ny maro.

⁴⁰ Ankehitriny, raha mahamarika isika, ny fiarahabana ho an’ity fiangonana ity; raha hanomboka isika ankehitriny eo amin’ny andininy faha-7, ilay irak’i Filadelfia. Ilay Fiangonana marina tao amin’ny—Fiangonana marina tao amin’ilay nihambo ho fiangonana. Izany dia Fiangonana marina tao amin’ilay nihambo.

*...soraty ho amin’ny anjelin’ny fiangonan’i
Filadelfia;...*

⁴¹ Niantso ny fifantohanareo aho ho eo amin’ilay fifampitaingenana, ny tsirairay avy, ankehitriny. Ankehitriny, ho hitanareo eto, ilay anjely...raha handinika ny fomba nampidirany an’ilay taonan’ny...nitaingina teo ambony ilay taona Metodista, ary hitohy kely ao amin’ilay an’i Filadelfia...na ilay an’i Laodikia, taona Pentekotista. Avy eo, rahampitso hariva, dia miverina mba hananatra azy ireo ilay iraka Pentekotista nohon’ny fahalavoana, tahaka ny nananaran’ity taona ity azy ireo mihitsy nohon’ny fahalavoana teto tao Sardisy (tao amin’ilay taona Loterana), ilay fifampitaingenana.

⁴² Fitiavan’ny mpirahalahy. Taona misionera iray lehibe sy misiona izany. Tsy mbola nahita an’ilay fotoana mihitsy izao tontolo izao, mitohy ao amin’ny fotoantsika mihitsy aza izany ankehitriny, hoe, oviana izao tontolo izao no mba nahita fotoan’ny misionera iray tahaka an’izany hatraiza hatraiza. Tao amin’ny farany...Oh, hataoko hoe ny dimampolo amby zato taona farany, dia izany no anankiray tamin’ireo fotoana malaza indrindra an’ny tantaran’izao tontolo izao noho ireo misionera niditra tao amin’ny ampahany rehetra an’izao tontolo izao niaraka tamin’ny Filazantsara. Izany dia efa...

⁴³ Raha ara-bakiteny—raha ara-bakiteny, ny mandeha fotsiny, ny mandefa ny hafatry ny Filazantsara eo amin’ny taratasy sy trakta ary boky sy ny sisa, dia efa ela izay no nandehanan’ny Filazantsara nankany amin’ny firenena rehetra teto ambanin’ny lanitra, efa ela izay. Noho izany, hitanareo, izany dia manaporofo fa tsy izany no noresahan’i Jesosy. Tsy nilaza mihitsy Izy hoe, “Mandehana mankany amin’izao tontolo rehetra izao ka manaova sekoly Biblika.” Tsy nilaza koa Izy hoe, “Mandehana mankany amin’izao tontolo rehetra izao ka mizarà literatiora.”

⁴⁴ Tsara ireo zavatra ireo, saingy ny Fanirahany ho an'ilay Fiangonana dia, "Mandehana mankany amin'izao tontolo rehetra izao ka mitoria ny Filazantsara." Ary ny Filazantsara dia tsy ny Teny manontolo fotsiny, fa Izany dia manao ny Teny ho tonga amin'ny Fiainana. Hitanareo? Satria nilaza Jesosy, teo no ho eo hoe, "Izao famantarana izao no hanaraka an'ireo izay mino." Fantatrareo, Marka 16, Ny farany—Ny asany farany ho an'ilay Fiangonana dia, "Izao famantarana izao no hanaraka an'ireo izay mino." Ny Fanirahany voalohany ho an'ilay Fiangonana, ao amin'ny Matio ny toko faha-10, dia, "Sitrano ny marary, atsangano ny maty, roahy ny devoly; tahaka ny nandraisanareo maimaim-poana, dia manomeza maimaim-poana." Ary Ny Hafany farany ho an'ilay Fiangonana dia, "Mandehana mankany amin'izao tontolo rehetra izao ka mitoria ny Filazantsara amin'ny olombelona rehetra. Izay mino sy hatao batisa no hovonjena, izay tsy mino no hohelohina, ary izao famantarana izao no hanaraka an'ireo izay mino."

⁴⁵ Tsy hafahafa ve fa maro no manala an'io ampahany eo io? "Ary" dia fanohizan-teny iray izay mamatotra ny fehezan-teninareo miaraka, hitanareo. Ankehitriny, nilaza Izy, (Maro amin'ireo mpitoriteny no hanao hoe, "Mandehana mitory ny Filazantsara.") "Izay mino sy hatao batisa no hovonjena, ary izay tsy mino no hohelohina, ary izao zavatra izao no hanaraka an'ireo. Hanaraka an'ireo; ireo izay mino. Handroaka devoly amin'Ny Anarako izy ireo; hiteny amin'ny fiteny vaovao izy ireo. Raha mandray menarana izy ireo, na hisotro zava-mahafaty, dia tsy hampaninona azy ireo izany; raha mametraka ny tànany eo amin'ny marary izy ireo, dia ho sitrana ireny." Ireo famantaran'ilay Andriamanitra velona izay mihetsika eo anivon'ny olona. Oh! Hatraiza ankehitriny? Hatrany amin'izao tontolo rehetra izao. Azonareo ve ilay izy? Izao tontolo rehetra izao.

⁴⁶ Koa noho izany rehefa milaza aho hoe ny Hafatra pentekotista... (Tsy ilay rafi-pandaminana Pentekotista ankehitriny.) Ilay Hafatra pentekotista no Hafatra tokana marina avy amin'Andriamanitra. Jereo ankehitriny, Marka 16, raha eo am-pamakiana an'Izany ianareo eo. Eny àry, eto mihitsy Jesosy no naniraka Ny Fiangonany hoe, "Mandehana mankany amin'izao tontolo rehetra izao; mitoria ny Filazantsara; izao famantarana izao: miteny amin'ny fiteny tsy fantatra, manasitrana ny marary, maneho fahagagana..." Hatraiza no haharetan'izany? "Izao tontolo rehetra izao." Ho-ho fir? "Amin'ny olombelona rehetra." Manerana ny lâlana rehetra izany hatramin'ny farany eto, "Hatramin'ny fahafonganana." Eny àry. Izao famantarana izao no hanaraka an'ity fiangonana ity fotsiny ve? "Ireo izay mino, any amin'izao tontolo rehetra izao. Izao tontolo rehetra izao, amin'ny olombelona rehetra, izao famantarana izao no hanaraka azy ireo." Tsy ity, "ireo"

izay mino. Noho izany dia Fiangonana pentekotista iray izany. Hitanareo?

⁴⁷ Ankehitriny, efa niditra tao amin'ity taona ity isika, eto amin'izay misy antsika mihitsy izao hariva izao eo amin'ny an'i Filadelfia, *F-i-l*, ny Taom-Piangonana Filadelfia. Tao amin'io taona eo io, dia nitory filazantsara sy nandefa misionera, nanerana an'izao tontolo rehetra izao tanteraka niaraka tamin'ny literatiora.

⁴⁸ Hoy Jesosy hoe, “Rehefa toriana ity Filazantsara ity—ity *Filazantsara* ity dia toriana amin'izao tontolo rehetra izao ho vavolombelona ny Amiko, avy eo dia ho tonga ny farany.” Eny, noho izany, raha izany no Noresahany, manely ny literatiora, mandefa misionera miaraka amin'ny famakiana, fanoratana, aritmetika, sy mizara trakta ary manao ny olona hifandray tànana ka mino fa misy Andriamanitra iray, raha izay ihany ny amin'ilay izy, amin'izay fotoana izay dia efa lasa lavitra an'ny Fihaviany Izy. Ah-hah. Koa izany no maneho fa ny Filazantsara... Hoy i Paoly hoe, “Ny Filazantsara dia tsy tonga tamin'ny teny fotsiny ihany, fa tamin'ny alàlan'ny hery sy ny fanehoan'ny Fanahy Masina.”

⁴⁹ Noho izany rehefa hoy Jesosy hoe, “Mandehana mankany amin'izao tontolo rehetra izao ka mitoria ny Filazantsara,” dia hoy Izy hoe, “Mandehana mankany amin'izao tontolo rehetra izao ka asehoy!” Oh, tiako izany. “Asehoy ny herin’ny Filazantsara.” Mandray ny Teny, hoe izay Lazainy, ary maneho amin'ny olona an'izay Lazainy ary avy eo dia manao Azy hiseho amin'izy ireo. Oh, izany ilay fomba. Izany no manaporofo Azy.

⁵⁰ Oh, rehefa i Morris Reidhead malaza, nitsangana tao amin'ny efitro tamin'io andro io, filohan'ny Sudan Missions, ilay goavana indrindra teto amin'izao tontolo izao; rehefa hoy izy hoe, “Rahalahy Branham, satria Batista iray ianao, dia tokony ho fantatrao hoe inona ny Fahamarinana.”

Hoy aho hoe, “Ny Baiboly no Fahamarinana.”

Dia hoy izy hoe, “Eny...” Hoy izy hoe, “Inona no ananan’ireo Pentekotista ireo?”

Hoy aho hoe, “Ny Fanahy Masina.” Hitanareo?

Ary noho izany dia hoy izy hoe, “Oh, nahita azy ireo nanimba an’ireo fanaka aho ary nanongana an'ilay karazan-javatra.”

⁵¹ Hoy aho hoe “Eny! Ny zavatra tokana misy, dia ianareo zalahy ireo no mampihataka ny tenanareo ary mampitokamonna ny tenanareo manalavitra azy ireo.” Manana entona betsaka izy ireo, hanao an'ilay kodiarana hihodina sy hanao zavatra, saingy avoakan’izy ireo amin'ilay fivoahan-tsetroka izany rehetra izany, hitanareo. Hoy aho hoe, “Raha napetrak’izy ireo teto fotsiny izany, dia ho nanana famantarana, fahagagana, sy zava-mahagaga, ary ny zavatra rehetra izy ireo. Saingy tsy

fantatr'izy ireo izay hanaovana an'izany, tsy maintsy lasa any ho any izany, noho izany izy ireo fotsiny—nihiaikiaka an'izany fotsiny izy ireo, ary namoaka an'izany.”

⁵² Hmm, aleoko mamela an'izany hivoaka, toy izay mihazona an'izany nefo tsy manana entona havoaka mihitsy. Ary ianareo? Tahaka ny nolazain'ilay lehilahy antitra fahiny hoe, “Aleoko matabatra dia kely iray . . . Aleoko manana afo dia kely iray toy izay tsy manana afo mihitsy.”

⁵³ Ny olana amin'ilay izy amin'izao andro izao, dia isika no miezaka *mandoko* afo iray, manao hoe, “Fantatrareo, tany aoriana lavitra tany tamin’ny andron’ny Pentekosta, dia nanao an’ity izy ireo.” Ankehitriny, inona no soa ataon’ny maneho amin’ny lehilahy mangatsiaka iray (izay matin’ny hatsiaka) afo iray nolokoina? Tsy hanampy azy mihitsy izany na kely aza. Tsia. Ianareo tsy maintsy . . . Tsy maintsy izy tenany no manana an'ilay afo. Ary raha misy ny herin’Andriamanitra iray izay nanao an’ireo Pentekotista hiasa ho an’ny Tompo, sy nanao an’ireo asa sy famantarana izay nataon’izy ireo; raha tsy *handoko* fotsiny an'ilay sary ianareo, fa hitondra an'ilay sary ho zava-misy ho azy ireo, dia hahazo an'ilay fahatsapana iray ihany izy ireo, ilay famonjena iray ihany, hanisy tombokase ny fanambarany manokana tahaka ny nataon’izy ireo. Hitanareo? Fa tsy maintsy manao an'izany ho azy ireo ianareo. Tsy tokony hametraka an'ilay izy any aoriana ao amin’ny taranaka hafa iray ianareo, fa mitondra azy eto.

⁵⁴ Ankehitriny dia hitantsika fa ity taonan’ny fitiavan’ny mpirahalahy ity dia taona misionera malaza iray. Hoy Jesosy hoe, “Any amin’izao tontolo rehetra izao, ary amin’ny olombelona rehetra, *ary* izao famantarana izao no hanaraka.”

⁵⁵ Ankehitriny, satria nitety ny tantara sy nitety ny Baiboly isika, dia te-hanontany anareo aho, tsy isan-kariva ve . . . ? Namaky isika eto ao amin’ny Baiboly an’izay notenenin’i Jesosy tamin’i Jaona an’izay hitranga, ary eto mihitsy no nandraisantsika ny tantara ka nanaporofa fa nitranga izany. Marina tokoa. Ary izany no antony nakako fotoana iray tahaka an’izany hikarohana an’ireo—an’ireo lehilahy ireo mba hahita hoe taiza no nisy an’io mpanompon’Andriamanitra izay nitondra an’io Hafatra io hatramin’ny farany, fa teo izy. Teo izy, araka ny nolazain’ny Baiboly mihitsy, nihazona ny Hafatra tahaka ny tany amin’ny voalohany fotsiny, tsy niadaladala tamin’Izany mihitsy.

⁵⁶ Ary avy eo dia hitantsika fa saiky maty Izany, ka niantso an’io taona iray io ihany Izy hoe “taona maty,” maizina, sy ny sisa. Ary avy eo dia tonga ny hazavana kely fotsiny, avy eo dia hery kely iray amboniny, ary avy eo dia niditra tao amin’ny pentekotista (tena fahatsapana) indray hatrany amin’ny andro farany mihitsy; ary avy eo dia nakarina ny Ampakarina, ary lasa lavitra Izy; ary niditra indray ny Fahoriambe, eny àry,

ilay Fahoriambe Lehibe izay tonga teo anatrehan'izao tontolo rehetra izao.

⁵⁷ Ankehitriny ilay taona misionera malaza, fitiavan'ny mpirahalahy, ilay taonan'ny misiona. Mamelà ahy fotsiny hanonona aminareo ny sasany amin'ireo lehilahy malaza (ary noho izany dia nandray naoty ny anaran'izy ireo fotsiny aho eto): John Wesley; George Whitfie-...Whitefield, izy dia saiky tamin'ny 1739; Charles G. Finney; Dwight Moody; William Carey, ilay misionera malaza izay nandeha nankany Inde tamin'ny 1773; David Livingstone, nankany Afrika Atsimo. Hitanareo, ireo rehetra ireo, ny sasany amin'ireo lehilahy malaza. Izao fotsiny... Manana ny anaran'ny maro amin'izy ireo aho eto, lehilahy malaza izay velona tao amin'io fitiavan'ny mpirahalahy io; fa, ny lehilahy mainty hoditra, ny lehilahy fotsy hoditra, ny lehilahy zarazara hoditra, ny lehilahy mavo hoditra, nianjera ireo rindrina rehetra, ary nandeha nankany amin'ny sahan'ny misiona ireo lehilahy ireo. Fitiavan'ny mpirahalahy, naninji-tànana nankany amin'ny firenena rehetra hatraiza hatraiza, ary nivoha ho azy ireo izany mba ahafahany nandeha. Taonan'ny varavarana hafa iray mivoha, satria izy ireo tsy afaka... Talohan'io dia tsy afaka nanao an'izany izy ireo, ilay papaly ary—ary ilay fanaovana papa an'i Roma sy ny sisa dia tena nanakatona azy rehetra hany ka tsy afaka nandeha izy ireo. Fa tao amin'ity taona ity dia nivoha ireo varavarana, satria Izy no nilaza fa izany dia taonan'ny “varavarana mivoha.”

⁵⁸ Namoha varavarana maro izy ireo nandritr'ity taona ity: ny varavarana'ny Filazantsara, ny varavarana'ireo sahan'ny misiona, ny—ny—ny varavarana miverina amin'i Kristy, ka ny zavatra rehetra dia nivoha nandritr'ity taona ity. Ary afaka mahita an'izay nataon'izy ireo ianareo, nanao asa lehibe avy tamin'izany ireo rahalahy.

⁵⁹ Ary nanomboka tamin'i John Wesley, ilay kintana taorian'ny Taonan'i Sardisy, taorian'ny nahatongavany namoha azy ireo avy tao amin'ny Taonan'i Sardisy, nandritr'ireo dimampolo amby zato taona farany dia ireo misionera malaza (toy ny tsy nisy tamin'ny fotoana na taona hafa tany aloha) no nandrakotra ny tany manontolo. Eritrereto izany. Ny firenena tsirairay teto ambanin'ny lanitra dia nandre ny Teny. Tanteraka izany taona maro, maro, maro lasa izay, hitanareo, saingy tsy ny Filazantsara, ny Teny fotsiny, “Ny soratra mamono fa ny Fanahy no manome Aina.” Hitanareo?

⁶⁰ Rehefa nitsangana tany Afrika Atsimo aho, teo amin'ny lampihazo tamin'io andro io, ka nahita fa nisy an'alinaliny nipetraka teo, Mohametana. Ary nihaona tamin'ny misionera Mohametana anankiray aho. Ary hoy io misionera Mohametana io hoe, “Oh, ho an'io fanahy sarobidy io.” Ankehitriny, efa tany nandrity ny taona sy taona io lehilahy io, ary namerina Mohametana anankiray nankany amin'i Kristy. Satria

ny Mohametana dia nitsimoka avy tamin'ireo Mediana-sy-Persiana, satria ny lalàn'izy ireo dia tsy miova na ovaina koa; rehefa Mohametana iray izy ireo, dia Mohametana iray mandritry ny fotoana rehetra.

⁶¹ Noho izany dia nanana an'io fanahy anankiray io izy ireo tany izay noresahan'ity rahalahy ity, nitsangana teo amin'ny kianjan'i Pretoria, ilay renivohitr'i Afrika Atsimo. Izany dia tao amin'ilay—tao amin'ilay fanjakana afaka, ilay fanjakana afaka, fanjakan'i Orange, ary tany amin'ilay Transvaal.

⁶² Ary nandeha izahay avy teo, nanohy nankany Capetown sy Bloemfontein, ary nanaraka an'io lálana io; dia niverina nandalo an'i Grahamstown, East London, ary avy eo nankany... niverina nankao Johannesburg indray rehefa avy nandao an'i Capetown, ary niakatra ny morontsiraka.

⁶³ Eny àry, ny tanàna farany nandehananay dia Durban, izay nanangonanay ny ankamaroan'ireo teratany, nisy teratany dimampolo amby zato na roa hetsy nipetraka tany, Mohametana, teratany, izahay dia nanana...izy ireo dia nanana... mila herinandro maro nandehanana...ilay-ilay toeram-pihazakazahana, goavana kokoa noho i Churchill Downs, ilay faharoa goavana indrindra eto amin'izao tontolo izao; i Londres no manana ny lehibe indrindra, Afrika Atsimo, ary—ary Churchill Downs. Noho izany dia nametraka fefy izy ireo satria nanana adim-poko izy ireo, ka ny polisy (mpiambina roa na telonjato) no nitsangana tany nitondra ny tsirairay avy tamin'ireo foko nankao anatin'ireo fefy mba tsy hiadian'izy ireo, ary nanala ny fitaoval-piadian'izy ireo, niaraka tamin'ny lefona sy kibay, sy ny sisa izay nentiny. Nipetraka teo amin'ny tany teo, ny anankiray njery an'ilay hafa avy teo amin'ny fefy, ary ireo adim-poko. Ny sefon'izy ireo...nitondra azy ireo teo ambonin'ny... nisy olona iray niaraka tamin'ny fikopahana goavana iray nikopaka azy ireo tahaka an'izao, sy ireo mpanjakavavy. Ilay mpanjakavavin'i Rhodésie dia tonga niaraka tamin'ny voatiry fito amby roapolo na fiaran-dàlamby na vagao feno olona avy tany Rhodésie, mba hanatrika an'ilay fivoriana. Ary tonga ny—ny fiaran-dàlamby manokana iray.

⁶⁴ Nanao zavatra lehibe ny Tompo, zava-mahagaga lehibe sy famantarana. Ary inona no hitanay? Sidney Smith, ilay ben'ny tanànan'i Durban; nivoaka tamin'io andro io, hoy aho hoe, "Inona io lehilahy io...io etikety kely eo amin'ny tendany io, manodidina?" Lehilahy mainty hoditra iray, araka ny iantsantsika azy eto, ilay taranaka mainty. Ho an'izany no tsy maitsy nitoriako tany. Ary maro amin'izy ireo no tsy nanao akanjo mihitsy, tsy nisy zavatra iray, lehilahy na vehivavy. Koa noho izany, nanana sampy iray izy teo amin'ny sandriny ary nanana etikety kely iray teo amin'ny tendany. Hoy aho hoe, "Ho an'ny inona ireo...ireo etikety eo amin'ny tendan'izy ireo?"

Hoy izy, “Kristiana izy ireo.”

Hoy aho hoe, “Kristiana? Miaraka amin’ny sampy iray eny an-tànany ve?”

⁶⁵ Hoy izy hoe, “Eny, ankehitriny, Rahalahy Branham, izaho . . . Songhai iray izy,” hoy izy, “afaka miteny ny fiteniny aho.” Hoy izy, “Hanatona eo isika, ka miresaha ianao aminy, anontanio azy ny zavatra rehetra izay tianao anontaniana. Miresaha fotsiny toy ny hoe hametraka fanontaniana aminy ianao, hanontany azy aho avy eo dia hiteny aminao an’izay nolazainy.”

⁶⁶ Noho izany dia hoy aho hoe, “Manao ahoana ianao, Thomas?” Niantso azy hoe Thomas aho satria nihevitra aho fa anarana iray mety tsara izany. Dia hoy aho—hoy aho hoe, “Manao—manao ahoana ianao, Thomas?” Dia njery ahy izy. Dia hoy aho hoe, “Ianao—Kristiana iray ve ianao?”

“Eny,” izy—Kristiana iray izy.

⁶⁷ Dia hoy aho . . . Oh, mazava ho azy, tsy nahafantatra ahy izy. Izy tsy mbola mihitsy . . . tsy mbola nahita anay mihitsy ny iray tamin’izy ireo. Noho izany dia hoy aho hoe, “Inona no ataonao amin’io sampy io?”

Izy, “Oh, ny—ny rainy no nitondra an’izany.” Hitanareo, izany dia—andriamanitra ilay izy. Hitanareo?

⁶⁸ Dia hoy aho hoe, “Ny . . . Ny rainao no nitondra azy.” Hoy aho hoe, “Eny, izany—tsy misy antony itondranao azy. Kristiana iray ianao, tsy tokony hitondra azy ianao.”

⁶⁹ Hoy izy hoe, “Eny, indray andro dia nanenjika ny rainy ilay liona, ary nandrehitra afo kely iray izy ka nanonona ny vavaka izay notenenin’ilay mpampianatra mpamosavy taminy, teo ambonin’io sampy io, ka ilay sampy no nampandositra an’ilay liona.” Ireo biby no mamono ny maro amin’izy ireo. Ary izy . . .

⁷⁰ Dia hoy aho hoe, “Jereo, ilay izy—ilay izy dia tsy ilay vavaka izay notenenin’ilay mpampianatra mpamosavy taminao, ilay afo no nampandositra an’ilay liona.” Hoy aho hoe, “Matahotra afo ny liona.” Dia hoy aho hoe, “Amin’ny maha-Kristiana, ry Thomas, dia tsy tokony hitondra an’io ianao. Tsy tokony hisy na inona na inona idiranao amin’izany.”

⁷¹ Dia hoy izy hoe, “Oh, eny,” hoy izy, “raha i Amoyah . . .” Izany dia ilay hery tsy hita maso, Andriamanitsika izay tsy hitantsika. *Amoyah* dia midika zavatra iray, “hery iray tahaka ny rivotra.” Hoy izy, “Raha—raha tsy mahomby i Amoyah, dia hahomby ity.” Noho izany dia nentiny izy roa ireo, “Raha tsy mety ny anankiray, dia hety ilay anankiray hafa.” Ankehitriny, izany ilay herin’ny Kristianisma. Ah-ham. Hia. Oh, oadray.

⁷² Fa avy eo tamin’io tolakandro io, rehefa nidina tao amin’ny fivoriana ny Fanahy Masina tao amin’ilay

toeram-pihazakazahana ka nanomboka nanambara an'ireo tsiambaratelon'ny fo, rehefaavy nandray ny Soratra aho . . .

⁷³ Teo amin'ny adiny iray teo, izay nila dimy ambin'ny folo minitra marina tokoa ho ahy, satria nanana mpandika teny dimy ambin'ny folo samihafa izy ireo mba hampitâna azy. Noho izany aho—niteny aho ohatra hoe, “Jesosy Kristy ilay Zanak’Andriamanitra”; dia hoy *ity* anankiray ity hoe, “ah, bah, bah, bah, bah”; ary *ity* anankiray ity manao hoe, “gloo, gloo, gloo, gloo”; ary *avy eo*, “am, am, am,” tahaka an’izany; ny rehetra dia nidika hoe “Jesosy Kristy ilay Zanak’Andriamanitra”; ireo mpandika teny. Ary tsy maintsy nanoratra an’izay nolazaiko farany aho, tsy ho fantattro hoe taiza no nisy ahy, ary avy eo dia niandry mandra-pahavitan’izy ireo.

⁷⁴ Ary avy eo rehefa niverina ilay izy, dia hoy aho hoe, “Ankehitriny, niteny taminareo ny amin’i Jesosy iray izay tonga mba hamonjy anareeo ilay misionera.” Afaka nahita azy ireo nifampijery ianareeo, fantatrareo, ireo foko samihafa, aloha sy aoriana rehetra tahaka an’izany. Hoy aho hoe, “Niteny an’izany taminareo ilay misionera. Saingy io misionera io ve . . . Eo ampamakiana an’ity Boky *ity*, dia efa hitanareo teo ve hoe taiza Izy no Mpanasitrana lehibe iray sy nilaza fa hipetraka ao anatin’ny olona Izy manerana ny taona mandra-Piveriny indray? ‘Ireo asa izay Ataoko no hataonareo koa.’ Ianareo izay hany nanaiky an’i Kristy ho Mpamponjinareo, miaraka amin’ireo etikety anaovana ireo, te-hahita an’i Jesosy miverina eto ve ianareo androany ka handeha manerana ny olona ary manao an’ilay zavatra iray ihany izay Nataony fony Izy teto an-tany teto?”

⁷⁵ Oh, izy rehetra ireo, “Azo antoka!” Te-hahita an’izany izy ireo, hitanareo. Nila an’izany izy ireo.

⁷⁶ Hoy aho hoe, “Noho izany raha hanao an’izany Izy, hampiasa anay eto hanao an’ilay zavatra iray ihany izay Nataony fony Izy teto an-tany teto, dia hino Ny Teniny ve ianareo?”

“Oh, azo antoka!” Hitanareo, nipetraka teo ny Mohametana.

⁷⁷ Ny voalohany . . . olona faharoa teo amin’ny lampihazo dia vehivavy Mohametana iray. Niteny ny Fanahy Masina, nilaza tamin’ilay vehivavy ny tenako, hoy aho hoe, “Ankehitriny, fantatrao fa tsy mahafantatra anao aho, tsy mahay miteny ny fiteninao akory aza aho.” Dia nanaiky an’izany izy.

⁷⁸ Nanana an’ilay pentina mena mihitsy izy teo anelanelan’ny masony teto, izay nidika fa tena taranaka iray izy tao amin’ny Mohametana. Noho izany, hoy aho hoe, “Eny, ankehitriny, ny amin’ny hanasitrana anao, dia tsy afaka manasitrana anao aho.” Fa hoy aho hoe, “Efa azonao ve ny . . . izay nolazaiko tamin’ity tolakandro ity, ilay Hafatra?”

⁷⁹ Ary izy—namaly tamin’ilay mpandika teny Mohametana izy fa . . . Indiana iray izy, izany no naha-izy azy. Hoy izy hoe, “Eny,

azony ilay izy. Efa namaky ny Testamenta Vaovao izy.” Oh, hia. Ah-ham.

⁸⁰ Hitanareo, izy ireo dia mino an’Andriamanitra, ihany koa. Izy ireo dia taranak’i Abrahama, ihany koa. Hitanareo? Nefa nilaza fa izy “dia nino an’Andriamanitra,” saingy, izy “dia nino fa i Mahomet no Mpaminaniny.” Ary isika dia mino fa Jesosy No Zanany. Hitanareo? Noho izany dia nilaza izy, oh, izy—izy “dia nino an’Andriamanitra.”

⁸¹ Ary hoy aho hoe, “Noho izany raha mahafantatra ny Testamenta Taloha ianao ary mahafantatra hoe inona Andriamanitra tao amin’ireo lehilahy fahiny, tao amin’ireo taona lasa, amin’izay fotoana izay Jesosy, Anankiray izay antsointsika hoe ‘ilay Kristy,’ dia tsy maintsy ho Andriamanitra-Mpaminany. Izy... novonoin’izy ireo Izy. Mihevitra ianareo fa tsy namono izy ireo, satria nilaza ianareo fa nitaingina teo ambonin’ny soavalys fotosy iray izy ary lasa nandeha. Izany no nampianarin’ny mpisoronareo anareo, hoe, ‘Tsy novonoina mihitsy izy, ankehitriny. Ary maty tamin’ny fahafatesana aradalàna izy tany an-kafa tany ho any, taona maro taty aoriana.’”

⁸² Hoy aho hoe, “Mino an’izany ianareo. Fa ity Jesosy ity, ny fomba... araka ny Testamenta Vaovao, dia maty Izy ary nitsangana indray, ka nandefy Ny Fanahiny niverina teo amin’Ny Fiagonany.” Ankehitriny dia azonareo izy ireo, hitanareo. Izany marina tokoa no nihaikan’io Mohametana io an’i Billy Graham, hitanareo. Ilay zavatra iray ihany, ilay fitsipika iray ihany.

⁸³ Hoy aho hoe, “Ankehitriny raha... Tsy nanao teny fikasana ho anareo rehetra mihitsy i Mahomet. Fa Jesosy dia nanao teny fikasana iray ho antsika, hoe ireo asa iray ihany izay Nataony no hataontsika koa. Ankehitriny, tsarovy izay Nolazainy ao amin’ny Masindahy Jaona 5:19, ‘Tsy manao na inona na inona Aho raha tsy ny Ray no maneho Amiko.’” Hoy aho hoe, “Ankehitriny, raha ho tonga Jesosy ka haneho amiko hoe inona ny aretnao na izay maha-eto anao, hiteny aminao hoe inona no nahazo anao, inona ny lasanao, ary ho inona ny ho avinao, ka raha afaka hiteny aminao Izy hoe inona ny ho avinao... ny lasanao, dia azo antoka fa hino an’izay ho avy ianao.”

Hoy izy hoe, “Marina izany.” Hitanareo, tamin’ny alàlan’ilay mpandika teny.

Dia hoy aho hoe, “Eny àry, enga anie Izy hanao an’izany.”

⁸⁴ Ary nitsangana fotosiny ireo Mohametana rehetra ireo, nandinika, fantatrareo. Ary rehefa nilaza ny Fanahy Masina hoe, “Ny vadinao, lehilahy fohy, matavy, miaraka amin’ny volombava maity. Tany amin’ny dokotera iray ianao, teo amin’ny telo andro lasa teo izay.” Hoy Izy, “Manana zanaka anankiroa ianao. Nanome anao fizahana iray ho an’ny vehivavy izy, hoy izy hoe, ‘Manana kysta iray eo amin’ny kibo ianao.’”

Nijery niondrika izy, nanondrika ny lohany, hoy izy hoe, “Marina izany.”

⁸⁵ Dia hoy aho hoe, “Ankehitriny, raha namaky ny Testamenta Vaovao ianao, tsy mitovy amin’i Jesosy Kristy Izay niteny tamin’ilay vehivavy teo amin’ny fantsakana ve izao?”

“Marina izany.”

⁸⁶ Dia hoy aho hoe, “Eny, nahoana ianao no nanatona ahy izay Kristiana iray? Nahoana ianao no tsy nandeha tany amin’ny mpaminaninao Mohametana?”

Hoy izy hoe, “Mihevitra aho fa ianao no afaka hanampy ahy.”

⁸⁷ Dia hoy aho hoe, “Tsy afaka manampy anao aho. Fa raha hanaiky an’io Jesosy Izay eto io ianao ankehitriny, Izay mahafantatra ny fiainanao sy mahafantatra ny rehetra mikasika anao, dia Izy no hanampy anao.”

Hoy izy hoe, “Manaiky an’i Jesosy ho Mpamonjiko aho.”

⁸⁸ Izany no nanao an’ilay izy. Izay ilay izy. Mohametana iray alina no nanatona an’i Kristy tamin’io tolakandro io. Hitanareo? Teo amin’ny telopolo taona teo amin’ny sahan’ny misiona, fa anankiray no novain’izany tamin’ny alàlan’ny literatiora; nefä, tao anatin’ny dimy minitra, dia iray alina no nanatona tamin’ny alàlan’ny Filazantsara tonga voaseho.

⁸⁹ Tsy niteny tamintsika mba hanorina fiangonana mihitsy Andriamanitra, tsy niteny tamintsika mba hanamboatra sekoly mihitsy. Mety tsara izy ireo. Ireo hopitaly sy ny sisa, fantatr’Andriamanitra fa ilaintsika izy ireny, izany no Fandaharany; saingy ny fanirahana ho an’ilay Fiangonana dia ny “Hitory ny Filazantsara!” Saingy mampita trakta isika, literatiora avy any Asbury, io toerana kely mahafinaritra eto io izay . . . Hitahy an’ireo olona ireo anie Andriamanitra, io kolejy Metodista kely eto io any Wilmore, Kentucky, no anankiray amin’ireo toerana kely mahafinaritra indrindra, ara-panahy, eto amin’izao tontolo izao, heveriko, amin’izao fotoana izao. Olona mahafinaritra izy ireo.

⁹⁰ Ary izaho niverina avy tany . . . Adinoko . . . Rhodésie ilay izy, saingy tsy fantattro ny anaran’ilay tanàna. Billy, mety mahatsiaro azy ve ianao? [Hoy i Billy Paul hoe, “Salisbury.”—Mpand.] Salisbury, marina izany, New Salisbury. (Izy no fitadidiako.) New Salisbury, Rhodésie. Ary niverina avy tany Rhodésie izahay ka nahita pasipaoro Amerikana iray aho rehefa niakatra tao anaty fiaramanidina izahay, zazalahy iray sy zazavavy telo. Dia nilaza aho . . . nanatona azy ireo, hoy aho hoe, “Akory ny ao.” Hoy aho hoe, “Hitako fa manana pasipaoro Amerikana iray ianao.”

Hoy izy hoe, “Miteny Anglisy ianao.”

Hoy aho hoe, “Eny,” hoy aho, “izaho—Amerikana iray aho.”

Hoy izy hoe, “Eny, tsara izany.”

Hoy aho hoe, “Manao dia ve ianareo.”

Hoy izy hoe, “Tsia, misionera izahay.”

Hoy aho hoe, “Oh, tena mahafinaritra!” Hoy aho hoe, “Azo antoka fa faly aho mahafantatra anao.” Dia hoy aho hoe, “Avy aiza ianao? Fiagonana inona, na miaraka amin’ny rafipandaminana iray ve ianareo, sa mahaleotena fotsiny?”

Hoy izy hoe, “Tsia, Metodista izahay. Avy any Wilmore, Kentucky izahay.”

Hoy aho hoe, “Saiky ao ambadiky ny tokotaniko izany, any an-trano.” Hoy aho hoe . . .

Hoy izy hoe, “Sao dia ianao no ilay Rahalahy Branham any?”

⁹¹ Hoy aho hoe, “Eny, tompoko. Marina izany.” Ary izany-nahamaina azy teo no ho eo izany. Hitanareo. Tsy te-hiteny intsony izy. Ary izaho—hitako ny toetra nasehony, njery nankany amin’ireo zazavavy, nifampijery izy ireo tahaka an’izao. Hoy aho hoe, “Vetivety fotsiny, anaka.” Tsy nisy afa-tsy zazalahy iray fotsiny izy. Dia hoy aho hoe . . . ary ireo zazavavy. Dia hoy aho hoe, “Te-hiresaka aminareo rehetra iray minitira fotsiny aho mikasika an’ireo fitsipika amin’ny maha-Kristiana, izany isika rehetra, ary eto isika ho an’ilay antony lehibe iray ihany. Te-hanontany anareo zazavavy telo aho ary ianao ry tovolahy hoe, ‘Afaka ve ianareo amin’ny Anaran’ny Tompo Jesosy . . .’ Nilaza ianareo fa efa teto nandritry ny roa taona. ‘Afaka mametraka ny rantsan-tànanareo eo amin’ny fanahy anankiray izay azonareo ho an’ny Tompo ve ianareo? Fanahy anankiray?’” Tsy afaka nanao an’izany izy ireo. Tsy nisy fanahy anankiray.

⁹² Hoy aho hoe, “Tsy te-handratra ny fihetseham-ponareo aho, tsia mihitsy.” Dia hoy aho hoe, “Mankasitraka an’izay ataonareo aho, saingy ianareo zazavavy dia tokony ho any an-trano manampy ny mamanareo amin’ireo fanasam-bilia. Marina tokoa izany. Tsy manana asa eto ianareo. Marina tokoa izany.”

⁹³ Ary tsy misy olona manana asa handeha any amin’ireo saha raha tsy nandray ny Fanahy Masina izy ireo ka mitory ny herin’ny fanehoana, satria izany ihany no zavatra tokana izay—izay hanetsika an’ireo olona ireo. Ary jereo ireo fikomiana izay anananareo ankehitriny sy ny zavatra rehetra, izany dia satria tsy voatory tamin’izy ireo ny Filazantsara marina. Nomena azy ireo tamin’ny endrika teny. Eny, hitanareo ve hoe inona izany? Izany ilay fitohizan’ny—an’ilay “anankiray afanandositra” an’ny taonan’i Luther, izay nanomezany ho an’izao tontolo izao an’ilay fanaovana printy maimaim-poana, marina izany, na ny Baiboly maimaim-poana.

⁹⁴ Ankehitriny, ilay taona ankehitriny, ilay taona lehibe. Ankehitriny, ndao isika hanomboka ankehitriny, mino aho fa

isika dia eo amin'ny . . . Izany ilay fiarahabana, ny andininy faha-7. Hatramin'ny . . .

. . . ho amin'ny . . . *Filadelfia soraty; Izao zavatra izao no lazain'ilay masina, ilay marina, ilay manana an'ireo fanalahidin'i Davida, izay mamoha, ka tsy misy olona manidy; ary manidy, ka tsy misy olona mamoha;*

⁹⁵ Tena filazana iray! Sa tsy izany? Izaho—hiverina eo amin'izany aho afaka iray minitra fotsiny, satria izany—izany dia ampiharina lavidavitra kokoa ato amin'ny Soratra eto.

Fantattro ireo asanao: indro, efa nametraka varavarana mivoha eo anatrehanao aho, ka tsy misy olona afaka hanidy azy: fa ianao dia manana hery kely, ka efa nitandrina ny teniko, ary tsy nandà ny anarako.

⁹⁶ Ankehitriny, diniho ankehitriny ilay—ilay fotoana izay tonga ankehitriny, taorian'ilay hetsika misionera lehibe izay nitety ny firenena, an'ny fitiavan'ny mpirahalahy, mba hitondra an'izay nananan'izy ireo. Tsy misy na inona na inona manohitra an'izany, ny literatiora sy inona koa, tao amin'ireo ampahany samihafa, izao tontolo izao. Ankehitriny, niverina nankany amin'ireo asan'ny fampianarana indray ilay fiangonana aranaram-piangonana. Hitanareo, niverina.

⁹⁷ Taorian'ny nametrahana an'ilay aranaram-piangonana lehibe, dia nametraka "varavarana mivoha" iray Jesosy. Taorian'ny nahatongavan'ny taona Wesleyana sy nandaminana ny fiangonana Metodista teto an-tany, naka faka, nitombo, nanao fiangonana lehibe iray izay misy amin'izao andro izao, anankiray amin'ny lehibe indrindra amin'ny, eo anivon'ireo fiangonana Protestanta, ary tamin'io fotoana io, ilay zavatra izay niseho tamin'izany, dia, nametraka "varavarana mivoha" iray Jesosy ho an'ny fiangonana talohan'ny nidiran'izy ireo tao amin'ny taonan'i Laodikia.

⁹⁸ Ny antony ilazako an'ity tahaka an'izany, dia mba ahafahanareo mahita an'izay tiako lazaina ny amin'ny fifampitaingenana. Hitanareo? Avy amin'ny taona misionera an'ny varavarana izany. Fa, hitanareo, Izy dia—Izy dia niteny tamin'izy ireo fa Izy no nanana ny fanalahidin'i Davida sy ny sisa. Fa eto Izy dia nilaza fa Izy no nametraka teo anatrehan'ny fiangonana ankehitriny; taorian'io taonan'ny fanaovana misionera io, sy Whitefield, ary—ary ireo hafa rehetra, sy Finney, sy Sankey, ary Moody mitohy midina (Moody no anankiray amin'ny farany.) tonga ankehitriny eo amin'ny hoe nametraka varavarana mivoha iray eo anatrehan'ny fiangonana Izy. Oh, eto no tsy maintsy dinihinareo ankehitriny. Izany dia eo anelanelan'ny taonan'i Filadelfia sy Laodikia mihitsy, fifampitaingenana.

⁹⁹ Jesosy no Varavarana! Ankehitriny, raha hamadika miaraka amiko ianareo ao amin'ny Jaona 10:17. Ndao isika hanaporofo

an'izany ankehitriny, mba banana antoka fa ny... Maro aminareo no hino. Ary amin'izay fotoana izay dia hilaza ny olona iray hoe, "Eny, izaho—tsy izaho mihitsy... Izy fotsiny no nilaza an'izany." Tiako fotsiny ny hamaky an'izany. Jaona, ny toko faha-10, ary ny andininy faha-17. Jaona 10:17. Eny àry, mamaky an'ireto Teny ireto isika. Mamelà ahy, Jaona 10:7, fa tsy 17.

Dia hoy Jesosy tamin'izy ireo... Marina tokoa, marina tokoa, lazaiko aminareo, Izaho no varavarana'ny valan'ondry.

¹⁰⁰ Mamerina mankany amin'ireo fitahiana izany. Ahoana no hidirantsika ao amin'i Kristy? Inona Izy? Ny valan'ondry. Nanontany matetika mikasika an'izany aho hoe, "Inona? Mety ho Varavarana iray ve Izy, izay olona iray?" Ankehitriny, tany amin'ireo—tany amin'ireo firenena tatsinanana tany, dia nahita aho indray andro rehefa nanamarika fa ilay mpiandry ondry, amin'ny andro alina, dia entiny miditra ao anatin'ilay fefy ny ondry rehetra, mitarika azy ireo amin'ny alàlan'ny varavarana iray. Ary avy eo rehefa ampidiriny ao izy rehetra ireo, dia isainy izy rehetra mba hahita raha ao ny tsirairay avy amin'izy ireo. Avy eo dia mandry eo amin'ilay varavarana izy, ny tenany. Tsy misy na inona na inona afaka hiditra hankeo amin'ny ondry, na hisy ondry iray afaka hivoaka, raha tsy mandalo eo aminy. Noho izany dia Jesosy no Varavarana, hitanareo, mankao amin'ilay valan'ondry.

¹⁰¹ Ary nandeha tao anatin'ny jeep Anglisy kely iray aho, ary nilaza tamin'ilay lehilahy, hoy aho hoe, "Ireo dia..." Tonga niampita ny tanàna ireo mpiandry ondry, ary notsofina ny kiririoka, ka nampidridroka ny hisatrany ny olona rehetra, dia nieritreritra aho hoe, "Inona ny olana?" Ary ilay izy dia mpiandry ondry iray nandeha niampita ny tanàna niaraka tamin'ny ondriny.

¹⁰² Ankehitriny, any Atsinanana, dia tsy tahaka ny eto ilay izy. Mamelatra ny entany rehetra izy ireo eo—eo amin'ny sisin-trano eny amin'ny toeram-pivarotana. Ary misy paoma sy poara eo, sy karazana voankazo, sy voaloboka voalamina mahafinaritra, voalamina eo ambonin'ny talantalana iray tahaka an'izao, mitsontsorika midina. Ary mitsangana eo ny tsirairay avy amin'ireo mpivarotra ka miezaka misintona anareo mba hividy ny sasany amin'ireo voankazony sy ny sisa.

¹⁰³ Eny, ity mpiandry ondry ity, nanomboka nandeha teo amin'io lèlambe lehibe io mihitsy izy. Hoy aho hoe, "Rahalahy, eto no ho tonga ny korontana, hitsangana aho ka handinika an'io."

¹⁰⁴ Dia hoy ilay rahalahy niaraka tamiko hoe, "Ho gaga ianao, Rahalahy Branham. Diniho." Nijanona ny zavatra rehetra. Nandalo ilay mpiandry ondry, tsy niraharaha, nanaraka azy marina tokoa ny ondry rehetra. Nanaraka azy! Raha niolaka

tahaka an'izao izy ka nihodina, ny tsirairay... dia niolaka taoriany avy hatrany ny ondry, nanaraka azy ilay anankiray manaraka, nanaraka azy ilay anankiray manaraka, nanohy avy hatrany ary nanao an'io fihodinana io.

¹⁰⁵ Oh, tahaka an'izany no anarahantsika an'ilay Mpiandry ondry! Marina izany. Nandeha avy hatrany teo afovoan'io lâlambe io mba hitady zavatra eny amin'ilay ilany hafa, ary nanaraka azy fotsiny ireo ondry ireo tahaka ny alika iray. Nijery izy ireo ary nijery an'ireo entana ireo, saingy nanaraka an'ilay mpiandry ondry izy ireo. Oh, tiako izany! Hitanareo. Hoy aho hoe, "Oh, rahalahy, maniry aho ny ho afaka hiteny fotsiny an'io fiteny io, hitory teny izao ankehitriny izao aho." Eo ianareo izao. Hia, izy—tsy nitodika nankany ankavanana na ankavia izy, fa nijanona tsara taorian'ilay mpiandry ondry.

¹⁰⁶ Izany no nataon'ilay Fiangonana hatrany amin'ny farany, nijanona taorian'ilay Mpiandry ondry, ny Fanahy Masina izay mitarika antsika mankany amin'ny Fiainana Mandrakizay; tsy mitodika satria fiangonana goavana iray feno voninkazo ity, ary ity anankiray ity manana dokotera maro *izao-sy-izao* ary *izao-izao* tahaka an'izany, fa mijanona tsara aorian'ilay Mpiandry ondry. Na aiza na aiza alehan'ilay Mpiandry ondry, dia manaraka ny ondry, "Ny Ondriko mahalala Ny Feoko, ka tsy hanaraka vahiny iray izy ireo." Marina izany. Izy... Io mpiandry ondry io dia mahafantatra an'ireo fitrontronana sy ny zavatra hafa rehetra izay manao an'ireo ondry ireo hihetsika.

¹⁰⁷ Avy eo rehefa nivoaka ny tanàna izahay, dia zavatra mahagaga iray ilay izy, nahita sa—saha iray aho tany sy lehilahy sasantsasany nipetraka manodidina, ary nanana ampondra izy ireo, sy ombivavy, sy kisoa, sy ondry, sy osy, ary ny zavatra rehetra teo. Dia hoy aho hoe, "Eny, iza ireo zalahy eo ireo?"

Hoy izy hoe, "Mpiandry ondry."

Dia hoy aho hoe, "Mpiandry ondry miambina ampondra ve?"

Dia hoy izy hoe, "Eny, tompoko."

Eny, hoy aho hoe, "Izaho—nihevitra aho fa ny mpiandry ondry iray dia nidika mihitsy hoe ondry."

¹⁰⁸ Hoy izy hoe, "Tsia. *Mpiandry ondry* dia 'mpiambina, mpampiraoka.' Ary eto amin'ny tanànanareo izy ireo dia miantso azy ireo hoe 'cowboys' sy—sy ireo zavatra tahaka an'izany."

Hoy aho hoe, "Oh, hitako, ny mpiandry ondry iray dia mpiambina iray."

"Eny."

"Miambina an'ireo andian'ondry izy."

¹⁰⁹ "Marina izany." Hoy izy hoe, "Ny zavatra hafahafa dia amin'ny alina, rehefa ianareo... manaitra ilay izy. Satria

mpitoriteny iray ianao, eny, dia afaka miteny zavatra iray aminao aho.” Hoy izy hoe, “Rehefa tonga ny alina . . . Marina fa miandry ny tsirairay avy amin’izy ireo izy, mitarika azy ireo eo sy manampy azy ireo ary mijery mba hahazoan’izy ireo zavatra tsara mandritry ny andro. Fa rehefa tonga ny alina ireo . . . ny rehetra—ireo ramole rehetra sy ireo ampondra sy ireo—ireo rameva, ary na inona na inona ananany, dia nijanona tany ivelan’ilay saha. Fa angoniny ny ondry ary entiny ao amin’ny fefy izy ireo.”

¹¹⁰ “Oh,” hoy aho, “Tompo, ataovy ondry iray aho, na inona na inona Ataona!” Hitanareo? Satria rehefa tonga ny alina, dia te-hiditra ao anatin’ilay valan’ondry aho. Miditra eo amin’ilay Varavarana, mandalo eo amin’ilay Varavarana. Jaona 17:7 eto, na—na hoy Izy hoe, “Izaho no . . .” 10:7, raha ny marina, hoy Izy hoe, “Izaho no Varavarana’ny valan’ondry. Izay rehetra hany tonga Aoriako dia mpangalatra sy mpandroba, fa tsy mihaino azy ireo ny ondry. Izaho no Varavarana, raha misy olona miditra amin’ny Alàlako, dia ho voavonjy izy, ary hiditra sy hivoaka ka hahita hanina.”

¹¹¹ “Ankehitriny, Napetrako eo anoloan’ity fiangonana ity, eo anelanelan’ny taonan’i Filadelfia sy ny taonan’i Laodikia, ny varavarana mivoha iray.” Oh, azonareo ve ilay izy ankehitriny? Ary manao ny kasiketin’ny fisainanareo tena tsara sy mafy ve ianareo? Henoy ankehitriny, tsara ity. Teneniko aminareo, Tantely ao anatin’ny Vatolampy izany, mamoaka an’ireo vaingam-bolamena fotsiny ka mampamiratra azy ireo. “Izaho no Varavarana’ny valan’ondry!” Inona io Varavarana izay napetraka io, ankehitriny?

¹¹² Ndao isika hiverina amin’ny fisainantsika. Ary avy tamin’io taona misionera lehibe an’ny Metodista io, izay nitety ny firenena niaraka tamin’ny hafatry ny fanamasinana. Luther tamin’ny alàlan’ny fanamarinana. Tonga i Wesley niaraka tamin’ny hafatry ny fanamasinana. Ary teo amin’ny fiafarana’ny taona Metodista, ilay fiafarana, rehefa namàka ka nanomboka lasa rafi-pandaminana lehibe iray izany. Ary rehefa ny fiangonana rehetra . . .

¹¹³ Henoy ankehitriny, mafy ity. Saingy mila olona iray aho haneho amiko na aiza na aiza amin’ny alàlan’ny fitsimponana ny tantara. Ny fiangonana rehetra izay hany natsangan’Andriamanitra, dia nanaraka ny lâlan’ny Pentekostista tsy nisy rafi-pandaminana iray; fa vantany vao nandrafitra izy, dia maty ary tsy nitsangana intsony indray. Oh, nanohy ilay fanaovana mambra, saingy tsy nanana fifohazana iray mihitsy izy ireo. Tsy nitsangana mihitsy ny fifohazan’i Luther, ary tsy nitsangana mihitsy koa ny fifohazana Metodista, ary tsy hitsangana mihitsy koa ny fifohazana Pentekotista. Tsia, tompoko. Narafitr’izy ireo izany, nefà nilaza Andriamanitra

tao amin'ireo taom-piangonana hoe, Izy “dia mankahala an’io zavatra io,” ny foto-pampianaran’ny Nikolaita.

¹¹⁴ Ankehitriny, tsarovy, tsy miresaka manohitra olona iray isika. Miparitaka ireo olona tsara. Any anatin'ireo toerana rehetra any ireo ny ondrin'Andriamanitra. Marina izany. Marina izany. Metodista, Batista, na inona na inona izy ireo, dia olon'Andriamanitra izy ireo raha nateraky ny Fanahin'Andriamanitra indray. Olon'Andriamanitra izy ireo, saingy ireo rafi-pandaminana no nisakana azy ireo. Ary nitondra taratasy avy tamin’ny Metodista nankany amin’ny Batista nankany amin’ny Campbellite, sy ny sisa, mandrapahatongan’izy ireo—izy ireo hanao an’ireo taratasy ho tonta mitondra azy ireny mitety toerana.

¹¹⁵ Eny àry, ahoana fa nilaza ny Tompo ankehitriny, eo amin’ny fiafarany’ity taona ity hoe, “Izaho no Varavarana’ny valan’ondry.” Ankehitriny, varavarana inona no nivoha mikasika an’i Jesosy, eo anelanelan’ireto taona anankiroa ireto mihitsy? 1906, saiky rehefa ilay taona Metodista sy—sy—sy Dwight Moody ary izy ireo no niala teo amin’ny sehatra, nivoaka tampoka ireo olona izay nandray ny Fanahy Masina, niteny tamin’ny fiteny tsy fantatra ka niverina tao amin’ny fiangonana ireo zavatra. Izany dia saiky mihitsy, teo amin’ny 1906, teo amin’io.

¹¹⁶ Eny àry, inona no niseho tamin’izany? Taorian’ny nanombohan’izany ho tonga, ny zavatra voalohany fantatrareo, dia nandrafitra an’ilay Fivoriambe Lehibe tranaindy izay niditra izy ireo, izay antsoina ankehitriny hoe ny Assemblées de Dieu. Hitanareo, avy tamin’io fiangonana izay nifanakona io. Ary inona no niseho tamin’izany? Nametraka varavarana nivoha iray Izy, ny “varavarana nivoha.”

¹¹⁷ Ankehitriny dia ndao vakantsika fotsiny izany ankehitriny, haka an’izany teny amin’ny teny mihitsy araka ny Itondrany azy. Hitanareo, “Indro . . .” Ndao jerentsika:

... *tsy misy olona manidy; . . .*
 ... *nametraka varavarana mivoha iray eo anatrehanao, . . .*

¹¹⁸ Eo amin’ilay ilany hafa izany:

Fantattro ireo asanao: indro, nametraka varavarana mivoha eo anatrehanao aho, ka tsy misy olona mahay manidy azy: . . .

¹¹⁹ “Varavarana mivoha iray.” Inona izany? Izany dia ny fanambarana ny maha-Andriamanitra faratampony an’i Jesosy Kristy: tsy hoe olona iray faharoan’ny trinite, fa Andriamanitra Izy tenany tonga nofo ary monina eo anivontsika. Ary ny fanambarana . . .

¹²⁰ Ankehitriny, raha mahamarika ianareo, afaka iray minitra fotsiny, ndao isika hamaky lavidavitra kely fotsiny:

... manidy azy: ... manana hery kely, ... ary tsy nandà ny anarako.

¹²¹ Ny fotoana voalohany izay nanononana an'ilay Anarana ankehitriny tamin'ity taona ity *eto*, nahavery ny Anarany; dia nivoaka i Luther niaraka tamin'ny anarana iray ho velona, nefà *maty* (Marina ve izany?), "Ray, Zanaka, Fanahy Masina." Indro niverina indray ny Anaran'i Jesosy, teo anelanelan'ireto taona anankiroa ireto *eto*. Teo anelanelany, ilay "varavarana mivoha." Ankehitriny, fanambarana iray izany: inona Izy, ny maha-Andriamanitra, ireo fanambarana ny maha-Andriamanitra Azy.

¹²² Ankehitriny, izany no Nambarany tao amin'ilay tena taom-piagonana voalohany mihitsy. Diniho ankehitriny. Satria nahita Azy nitsangana i Jaona, ireo fanaovan-jiro volamena fito, ary nitsangana niaraka tamin'ny Tànanay nitsotra Izy. Indro ilay fanaovan-jiro voalohany, faharoa, fahafelo, fahefatra, fahadimy, fahenina, fahafito, miaraka amin'ny Tànanay mitsotra amin'ny endrika hazo fijaliana. Hoy Izy hoe, "Izaho no Alfa sy Omega." Amin'ny teny hafa, "Izaho no ho faratampony ao amin'ilay voalohany, Izaho no ho faratampony ao amin'ilay farany." Miposaka any Atsinanana ireo Hazavana ary milentika any Andrefana. Izany dia fotoana manjombona iray, maizina, saingy "Hisy Hazavana amin'ny andro hariva." Ilay herin'ny Filazantsara iray ihany izay nipozaka *eto* amin'ilay ilany iray tany Atsinanana, no namiratra nanerana ary ankehitriny dia eo amin'ilay ilany hafa any Andrefana, "Alfa sy Omega, Izaho no A ary Izaho no Z." Eo an-Tànanay! Azonareo ve ilay izy?

¹²³ Ankehitriny, inona no Nataony tao amin'ny toko faha-1-n'ny Apokalpsy? Nanambara ny maha-Andriamanitra faratampony Azy Izy tamin'ilay fiangonana voalohany, Efesosy. Marina ve izany? Eny, mariho ankehitriny. Tamin'ny tsirairay avy tamin'ireo fiangonana nandaloo teto, dia nanambara ny Tenany tao amin'ny maha-Andriamanitra fotsiny ihany tao amin'ny Endrinny nomem-boninahitra Izy; fa eo amin'ity anankiray farany ity, dia lasa Z Izy, niverina tany amin'ny fiandohana tany am-boalohany indray. Hitanareo, "Ny voalohany sy ny farany." Ny taona voalohany, ankehitriny ny taona farany, satria hoy Izy hoe, "Izaho no voalohany sy ny farany." Ary . . .

¹²⁴ Fa hoy ianareo hoe, "Eny, ahoana no nitrangan'izany? Olona iza no nitondra an'izany?" Fanambarana iray izany! Maro aminareo ato no efa nandray an'izany, satria Ny ma- . . . Hilaza zavatra iray aho ankehitriny. Jereo! Ny Fiangonany manontolo dia miorina eo ambonin'ireo fanambarana Masina ny amin'ny Tenany. Marina ve izany? Raha tsy mino an'izany ianareo, dia ndao isika hamadika ao amin'ny Matio 16:18, ho hitanareo ao anatin'ny iray minittra fotsiny fa miorina eo ambonin'ny Tenany ny fanambarana manontolo. Ny Fiangonany manontolo dia miorina eo ambonin'ireo fanambarana ny amin'ny Tenany. Ndao

isika hanomboka eto eo amin'ny . . . Ndao isika hanomboka . . . ndao isika, eo amin'ny andininy faha-14:

Dia hoy izy ireo, Ny sasany milaza . . . ianao no Jaona Mpanao-batisa: . . .

Ilay—ilay fanontaniana dia, hoy Jesosy hoe:

. . . teo amin'ireo morontsirak'i Kaisaria Filipo, ary nanontany ny mpianany, nanao hoe, Iza, no ilazan'ny olona . . . ahy ilay Zanak'olona?

Andininy faha-13, ary izany dia 16:13 ankehitriny.

Dia hoy izy ireo, . . .

¹²⁵ Diniho ankehitriny, eto no toerana voalohany izay hany nitenenan'i Jesosy tamin'ny fiangonana, ary ny . . . ao amin'ny Apokalypsy no misy ny farany.

Dia hoy izy, Ny sasany milaza . . . ianao no Jaona Mpanao-batisa: ary ny sasany, Elias; ary ireo hafa, Jeremia, ary ny hafa . . . ary—ary . . . na anankiray amin'ireo mpaminany.

Hoy izy tamin'ny—tamin'izy ireo (ilay manontolo, vondrona manontolo), Fa ataonareo iza kosa aho?

Dia namaly i Simona Petera ka nanao hoe, Ianao no Kristy, ilay Žanak'Andriamanitra velona. (Oh, oadray!)

Dia namaly Jesosy ka nanao taminy hoe, Sambatra ianao, ry Simona—Simona Bar-jona: . . . fa tsy nofo aman-drà no nanambara an'izany teo aminao, fa ny Raiko izay any an-danitra.

¹²⁶ Oh, oadray! “Tsy nahazo an'izany avy tamin'ny seminera iray mihitsy ianao. Tsy nisy fomba hafa nahazoanao an'izany, ry Simona, zanak'i Jonasy; ny fomba tokana nahazoanao an'izany, dia fanambarana ara-panahy iray izay voambara taminao avy tany An-danitra hoe Izaho no Izzy.” Hoy Jesosy hoe, “Raha tsy mino ianareo fa Izaho no Izzy, dia ho faty ao amin'ny fahotanareo ianareo. Izaho no Izzy!”

. . . Lazaike . . . aminao, . . . ianao no Petera, . . . eo ambonin'ity vatolampy ity no hanorenako ny fiangonako; ka ny vavahadin'ny helo tsy afaka haharesy azy.

¹²⁷ Inona Izany? Ara-panahy! Ara-panahy! Ny Fahamarinana ara-panahy! Ny Tenin'ny Tompo!

¹²⁸ Ankehitriny, dia hitantsika fa ao amin'ity fanambarana lehibe izay nomen'Andriamanitra ho an'ilay Fiangonana eto ity, ao amin'ity andro farany ity, fa nandefa sy nanambara ny Tenany Andriamanitra ho ilay “Varavarana mivoha” *eo anelanelan'ireo taona anankiroa*. Izany dia tsy tao amin'ny—ny taonan'i Laodikia, tsy tao amin'ity taona hafa ity koa izany (ny taonan'i Filadelfia), fa izany dia teo anelanelany (ilay

fifampitaingenana) satria ny... Hoporofoiko izany lavidavitra kely fotsiny, dia ho azonareo ilay izy, hitanareo. Hataontsika manan-karena izany, tena azo antoka mba tsy ahafahanareo ho diso amin'ny fahitana an'Izany, raha te-hahita an'Izany fotsiny ianareo, hitanareo. Eny àry.

¹²⁹ Ankehitriny, ny fanambarana ny Tenany dia eo ambonin'izay Nanorenany Ny Fianganany. Firy no mahafantatra an'izany ho marina, ankehitriny? Nanorina Ny Fianganany teo ambonin'ny fanambarana ny Tenany Izy. Eny àry. Ankehitriny dia inona no Nolazainy? "Tsy misy olona afaka manidy azy!"

Fantatro ireo asanao: indro, nametraka varavarana mivoha eo anatrehanao aho, ...

¹³⁰ Inona ilay "varavarana mivoha"? Ny fanambarana ny maha-Andriamanitra faratampony an'i Jesosy Kristy! Inona no Nolazainy tamin'Ny Fianganany voalohany teto, tato amin'ity taona ity? Hoy Izy hoe, "Izaho no Izy izay nisy, izay misy, ary ho avy! Izaho no voalohany sy ny farany! Izaho no Tsitoha!" Nolazainy intelo samihafa izany, nanao ny Tenany ho maha-Andriamanitra tamin'ity fiangonana voalohany *eto* ity; talohan'ny Nandehanany nankao amin'ilay taom-piangonana farany, dia hoy Izy hoe, "Nametraka varavarana mivoha eo anatrehanao Aho." Raha te-hahita an'ilay Fanambarana ianareo, dia io ilay Izy, izay Hanorenany Ny Fianganany. Ary ny fomba tokana Nahafahany nandray Ny Fianganany, dia ny miverina amin'ny fanambarana an'izay maha-izy Azy. Marina tokoa!

¹³¹ Jereo! Rehefa nanao faneke na iray i Abrahama, na nanao faneke na iray tamin'i Abrahama Andriamanitra, tamin'ilay andro izay nilazany hoe, "Ahoana no hahatanteraka an'ireo zavatra ireo, hita fa antitra aho? Ary ny mpandova ahy tokana dia—dia io mpanompo avy any Damaskosy izay ananako eo io, Eliezera." Hoy izy, "Antitra aho, nefà Ianao dia nampantanena ahy zanaka iray. Ahoana no Hanaovanao an'izany? Ahoana ho hahavita an'izany?"

¹³² Ary tsarovy fa nandeha natory izy, torimaso lalina no nilatsaka teo aminy tahaka ny ataon'ny olona rehetra; fahafatesana. Ary avy eo dia nahamarika izy, nandaloo teo anoloany ny—ny lafaoro nanetroka iray; mendrika handeha any amin'ny helo ny mpanota tsirairay. Namono biby iray izy (ombivavy mena iray), osivavy iray sy ondrilahy iray, sy domohina iray ary voromailala iray. Tsy nosarahiny mihitsy ilay domohina sy voromailala. Ary tamin'izay fotoana izay dia nandaloo teo aloha teo io Hazavana kely fotsy io, ary nandeha nandroso sy niverina teo anelanelan'ireo tapatapa-biby ireo, nanamafy an'ilay fanekena tamin'i Abrahama.

¹³³ Ankehitriny, any Japon, raha sendra misy olona Japonais iray eto, dia fantatrareo ve hoe ahoana no anaovan'izy ireo

fanekena iray any Japon? Mifanipy sira izy ireo. Maka vovontsira kely iray, ary mipetraka eo, miresaka izy ireo hoe, "Ianao ve hanao an'izao-sy-izao?" "Hia, hanao an'izao-sy-izao aho." Avy eo dia manao fanekena iray izy ireo ka maka sira vitsivitsy ary manipy an'izany eo amin'ilay anankiray, satria mpitahiry iray ny sira, hitanareo. Eny àry. Mifanipy sira izy ireo, fanekena iray izany.

¹³⁴ Eto Amerika, dia ahoana no anaovantsika fanekena iray eto, hoy isika hoe, "Eny, hanao zavatra anankiray ve ianao?" "Hanao zavatra anankiray aho." Ary ny zavatra voalohany fantatrareo, dia mifandray tànana isika, "Raiso ity!" Ary fanekena iray izany.

¹³⁵ Fa, any atsinanana, ny fomba izay nanaovan'izy ireo fanekena, dia nanoratra zavatra iray izy ireo. Ary nanoratra fifanarahana iray izy ireo, sy namono biby iray izy ireo, tamin'ny andron'i Abrahama. Didian'izy ireo misokatra io biby io ary nitsangana teo anelanelan'izany; nanoratra an'io fifanarahana io, ary nandrovitra azy tahaka an'izao. Naka tapany anankiray ny iray, ary anankiray ilay hafa. Ary avy eo dia nanao fianianana izy ireo hoe "aoka ny vatan'izy ireo ho tahaka an'ity biby maty ity raha diso amin'ny fihazonana an'ity fifanarahana ity izy ireo." Ary ankehitriny ny fomba tokana ahafahan'io fifanarahana io ho... Tsy afaka nanao dika mitovy tamin'izany mihitsy ianareo. Tsy maintsy lasa miverina marina tokoa tamin'ilay zavatra iray ihany ilay izy, natambatra miaraka.

¹³⁶ Ankehitriny, inona no nasehon'Andriamanitra tamin'i Abrahama an'izay Hataony? Hoe haka ny Taranak'i Abrahama Izy, nanomboka tamin'i Isaka hatrany amin'i Jesosy, ary nitondra Azy teo Kalvary Izy ka teo no Nandrovitany Azy nisaraka. Norovitiny nivoaka avy tao Amisy ny Fanahy, niala lavitra an'ilay vatana, nanangana an'ilay vatana Izy ka nametraka an'izany teo ankavanana'ny Fiandrianana any amin'ny Avo, ary namerina ny Fanahy Masina nankao amin'ilay Fiangonana. Izany ilay faneken'Andriamanitra, nandrovitra Azy hisaraka: isika manana an'ilay Fanahy, Izy manana an'ilay vatana. Ary rehefa miverina miaraka Izany, ilay Fanahy izay tao anatintsika dia mikambana Amisy amin'ny maha-Ampakarina. Amena. Tsy nisy anaram-piangonana iray mihitsy niraikitra teo amin'Izany. Tsia, tompoko. Izany dia Fahaterahana madio tsy mifangaro, an'ny Fanahy Masina. Izay ihany. Izany ilay fanekena.

¹³⁷ Ankehitriny, hitantsika ankehitriny fa hoy Izy hoe, "Nametraka varavarana mivoha eo anatrehanao Aho." Ary tsy ahoako na rafi-pandaminana nataon'olona firy no mitsangana, na anaram-piangonana, na dia ny vavahadin'ny helo aza tsy afaka hanidy an'Izany. Ny fomba tokana handresena an'Izany, dia ny mikambana amin'Izany. Izay ihany. Tsy afaka mikambana amin'Izany ianareo, noho izany dia tsy maintsy teraka tao

anatin'Izany ianareo. Marina. Noho izany dia tsy misy olona afaka hanajanona an'io Hafatry ny maha-Andriamanitra faratampony io sy ny batisa amin'ny Anaran'i Jesosy Kristy. Tsy haharesy an'Izany mihitsy ireo vavahadin'ny helo.

¹³⁸ Hoy ianareo hoe, “Ahoana no ahafantaranao fa marina Izany?” Mifanaraka amin’ny Teny marina tokoa Izany, ka tsy misy anankiray hafa afaka hilaza na inona na inona mikasika an’Izany. Marina tokoa! Izany no Teny. Tsy nisy toerana izay nanaovana batisa olona iray tamin’ny anaran’ny “Ray, Zanaka, ary Fanahy Masina.”

¹³⁹ Ity Masindahy Paoly malaza ity, ilay anjelin’i Efesosy, dia nandidy ny olona rehetra izay tsy mbola vita batisa, tsy mampaninona na toy ny ahoana no nanaovana batisa anareo, raha tsy mbola vita batisa tamin’ny Anaran’i Jesosy Kristy mihitsy ianareo, dia nandidy anareo izy ho avy ka haverina hatao batisa indray amin’ny Anaran’i Jesosy Kristy. Hoy izy hoe, “Raha misy anjely iray avy any An-danitra tonga mampianatra zavatra hafa, dia aoka izy ho voaozona.”

¹⁴⁰ Noho izany dia afaka mahita ianareo hoe inona ilay anjely izay tonga ao amin’izao andro farany izao, karazana Hafatra inona no hananany rehefa tonga izy. Mety mitondra an’izany hatrany aminy angamba isika. Fa miteny aminareo aho, rehefa tonga izy, dia hitory ny batisa amin’ny Anaran’i Jesosy Kristy. Raha tsy mino an’izany ianareo, dia tongava eto rahampitso hariva ka mammelà ahy haneho aminareo amin’ny alàlan’ny Soratra. Hanao tokoa Izy! Ary ny famoràna ny fo, sy ireo fahagagana Masina, sy ireo asan’ny hery tahaka ny nananan’izy ireo tamin’ny Andron’ny Pentekosta. Hiverina avy hatrany eo amin’io sisa nanamborana kely io ilay tena Fitahiana Pentekotista tany am-boalohany mba hampakatra azy any. Io fифanarahana io dia hitovy marina tokoa tahaka azy fony izy norovitina tany amin’ny voalohany. Oh, tiako Izy! Tena faly aho, tena faly. Izaho—tsy afaka maneho Azy mafy tsara aho. Tena faly aho fa afaka milaza hoe isan’izy ireo aho. Tena faly aho!

¹⁴¹ Maniry mihitsy aho mba ho tahaka an’izany ireo rahalahiko rehetra. Maniry mihitsy aho ny ahafahako mitondra an’ireo rahalahiko sy anabaviko eto, ireo sakazako sarobidy any amin’izao tontolo izao, mba hahita an’ity zavatra lehibe ity. Izaho—izaho—ho tiako, ho sitrako, izao hariva izao, Andriamanitra no mahafantatra an’izany. Manana zazalahy kely iray aho, Joseph, ho tezaina; ary zazavavy kely iray, Sarah sy Rebekah; ary vady maha-te-ho tia iray izay tsy tiako ilaozana; saingy raha fantatro fa ireo rahalahiko mane-...ireo olona izay fantattro eto amin’ity izao tontolo izao ity, no afaka hanainky an’Ity sy hino Azy, ka ho feno ny Fanahy Masina, dia ho vonona ny handeha aho izao ankehitriny izao. Marina tokoa izany. Hitanareo? Oh, raha afaka fotsiny aho...ary tsy afaka ianareo...Raha miresaka am-pahalemem-panahy ianareo, dia

mihevitra izy ireo fa manandrana mameetraka zavatra eo aminy ianareo. Ary—ary zavatra tokana ihany no atao, izany dia ny mijanona tsara amin'ny Teny ka mandentika an'izany. Ary marina tokoa izany, mijanòna tsara amin'Izany. Oh, toy ny ahoana no itiavako Azy!

¹⁴² Fanambarana iray an'ny Tenany, ny maha-Andriamanitra faratampony Azy. Inona, nanao an'izany ve Izy? Tsy afaka hamela an'Izany fotsiny aho, na ahoana na ahoana. Nambarany tao amin'ny fiangonana tao Efesosy izany. Marina ve izany? Ary izany dia fony nivoaka voalohany mba hamiratra ilay Hazavana, ilay Hazavana Kristiana. Marina ve izany? Ny taonan'ny Fanahy Masina dia nanomboka *teto* mihitsy tao Efesosy.

¹⁴³ Ary hoy ilay mpaminany hoe, “Hisy andro iray izay tsy ho alina na andro, fa amin’ny hariva dia hiverina indray ny Hazavana.” Hitanareo ve izany? Hitanareo. Hitanareo, io andro manjombona io, tonga manerana, io manjombona rehetra eto io (ireo rafi-pandaminana sy ny zavatra rehetra); fa amin’ny andro farany *eto*, eto no Nametrahany an’io varavarana mivoha io. Hoy Jesosy hoe, “Izaho no Varavarana.”

¹⁴⁴ Efa mba nandre Azy ve ianareo nanao hoe, “Izaho no vavahady. Izaho no lâlana, ny Fahamarinana, ary ny Hazavana”? Hitanareo? Efa mba nandre Azy ve ianareo nanao hoe, “Ety ny vavahady, ary tery ny lâlana”? Efa mba voamarikareo ve hoe ahoana no nanononana an’io *ety* io? E-t-y, rano. Ny *ety* dia midika hoe ny “rano,” notononina tahaka an’izany. (M-a-h-i-t-s-y, hitanareo.) *Ety*, “Ny rano no lâlana. Ary io rano io no vavahady, ary tery ny lâlana.” Inona ny rano? Ny vavahady, ny varavarana. Hitanareo, mba hanokafana. “Amin’ny Anaran’ny Tompo Jesosy no lâlana, amin’ny alâlan’ny rano. Ety ny vavahady, tery ny lâlana, izay...” Jesosy... “Ny rano no vavahady, amin’ny Anaran’i Tompo Jesosy, ny fidirana.”

¹⁴⁵ “Mibebaha ny tsirairay avy aminareo ka aoka hatao batisa amin’ny Anaran’i Jesosy Kristy ho an’ny famelâna ny fahotanareo ary ianareo handray, raha mijery mankany Kalvary ianareo, ny fanomezan’ny Fanahy Masina. Fa ny teny fikasana dia ho anareo sy ho an’ny zanakareo.” (Hoy ny sasany amin’izy ireo hoe, “Ho an’ireo apostoly fotsiny.”) “Ho anareo sy ho an’ny zanakareo, ary ho an’ireo izay lavitra, araka izay hantsoin’ny Tompo Andriamanitsika.” Izay—izay ihany. “Arak’izay hantsoin’ny Tompo Andriamanitsika.” Ho an’ny olona rehetra ny teny fikasana, raha ho tonga amin’ny fomba iray ihany izay amakiana an’ilay taratasim-panafody ianareo. Marina izany.

¹⁴⁶ Aza manao hoe, “Eny, hitsofoka amin’ity lâlana ity aho.”

¹⁴⁷ Nisy lehilahy iray indray mandeha nitsofoka, fantatrareo, ka niditra tao amin’ny lâlana hafa iray. Efa fantatrareo ve izany? Efa mba namaky ny fanoharana ny amin’izany ve ianareo?

Nisy lehilahy iray nitsofoka ka niditra tao amin'ny lâlana hafa. Ankehitriny, any atsinanana, rehefa izy ireo—tao amin'ny sakafo harivan'ny mpanambady izy ireo... Halaintsika izany amin'ny maraina: tao amin'ny Sakafo harivan'ny Mpanambady, hoe ahoana no nidiran'io lehilahy io tao. Hiezaka isika, haka an'izany amin'ny maraina. Saika ho lazaiko ilay izy ankehitriny, saingy havelako handeha izany. Amin'ny maraina: ahoana no nidiran'io lehilahy io tao amin'io toerana io avy tamin'ny Sakafo harivan'ny Mpanambady... na, ho an'ny Sakafo harivan'ny Mpanambady.

¹⁴⁸ Eny àry, “Ety ny vavahady, tery ny lâlana.” Ny rano no vavahady, ilay fidirana mankao amin’ny Tompo Andriamanitra.

¹⁴⁹ “Nametraka varavarana mivoha Aho. Izaho no manana an’ireo fanalahidy. Izaho irery ihany no afaka mamoha azy, Izaho irery ihany no afaka manambara azy, Izaho no manana an’ireo fanalahidy.” Marina ve izany. “Tsy misy olona mahay manatona Ahy raha tsy Ny Raiko no mitarika azy, ary izay rehetra nomen’ny Ray Ahy no hanatona Ahy.” Tsy misy olona azo vonjena raha tsy amin’ny alàlan’i Jesosy Kristy irery ihany. Tsy amin’ny alàlan’ny fiangonana iray, rafi-pandaminana iray, eveka iray, papa, fa amin’ny alàlan’i Jesosy Kristy ihany. Izy no manana ny fanalahidy, Izy irery ihany no afaka... Ireo fanalahidin’ny inona? Davida, ilay fihavian’ny Arivo taona ho avy izay Hipetrahany eo ambonin’ny sezà fiandrianan’i Davida. “Izaho no manana an’ireo fanalahidin’i Davida, Izaho no hamoha an’io varavarana io ka tsy misy olona afaka manidy azy. Tsy misy olona afaka mamoha azy afa-tsy Izaho, ary tsy misy olona manidy azy eo Amiko.”

¹⁵⁰ Ahoana no mampety an’izany? Ahoana no ahafahan’ny olona iray hahafantatra fa Izy no Kristy raha tsy Izy no manambara ny Tenany aminy? Hitanareo, Izy no manambara ny Tenany, Izy no manana ny fanalahidy. Izy no afaka mamoha azy na mamela azy hipetraka tsara. Hitanareo? “Izaho no manana ny fanalahidin’ny varavarana. Izaho no Varavarana. Izaho no Lâlana. Izaho no Fahamarinana. Izaho no Hazavana.” Oh! “Izaho no Alfa. Izaho no Omega. Izaho no Voalohany sy ny Farany. Izaho no Ray. Izaho no Zanaka. Izaho no Fanahy Masina. IZAHO IZAY IZY! Tsy Izaho izay ‘efa nisy’ na ‘hisy.’ IZAHO IZAY IZY NO IZAHO IZAY IZY, izany—izany dia nilaza an’ilay zavatra manontolo. IZAHO IZAY IZY, tsy Izaho izay ‘efa nisy’ na ‘hisy.’ IZAHO IZAY IZY, izany dia midika hoe ‘fanatrehana velona mandritry ny Mandrakizay.’ Hitanareo, IZAHO IZAY IZY! Nisy foana, hisy foana, Izaho izay izy ankehitriny tahaka Ahy izay nisy foana ary hisy foana.” Hitanareo, Izy—Izy dia IZAHO IZAY IZY fotsiny!

¹⁵¹ Manana an’ireo fanalahidin’i Davida ho an’ilay fanjakana, “tsy misy olona afaka manidy azy.” Ny andininy faha-7 no manaporofo an’izany, eny àry, hoe Izy no manana an’ireo fanalahidin’i Davida, “Tsy misy olona afaka manidy!”

¹⁵² Ankehitriny dia ndao jerentsika hoe inona ilay zavatra manaraka, haingana:

...fa manana hery kely ianao, . . .

¹⁵³ Oh! Nilaza tamin'ity vondrona kely eto ity hoe, "Manana hery kely fotsiny ianao ankehitriny." Inona no dikan'izany? Tahaka ny olona iray efa maty fotsiny, manetsika kely ny tenany, lasa velona, velona kely indray, tonga amin'ny fiainana. Nivoaka avy tao amin'ireo fanekem-pinoana trrainy maty sy ny sisa ianareo, nanomboka tonga amin'ny fiainana kely, manetsika ny tenanareo, mamoha kely ny tenanareo. "Manana hery kely ianao, fa nametraka varavarana iray eo anatrehanao Aho ankehitriny." Vantany vao nivoaka izy ireo avy tao—avy tao amin'ny Loteranima sy papalisma, ary ireo isma hafa rehetra ireo, sy—sy Metodisma sy ny sisa, dia hoy Izy hoe, "Nametraka varavarana iray eo anatrehanao Aho, ankehitriny dia manana hery kely ianao, inona no hataonao mikasika an'izany? Napetraka eo anatrehanao izany, afaka miditra ianao na mivoaka, na izay anankiray tianao. Mipetraka eo anatrehanao ilay varavarana. Manana hery kely ianao, vao tonga amin'ny Fiainana mihitsy, vao manomboka mihitsy ianao."

¹⁵⁴ Tahaka an'izany koa ilay izy tamin'ilay fiangonana voalohany. Mariho eo amin'ny fiafaran'ny taonan'i Laodikia, niverina nankany amin'ireo asa indray. Ankehitriny raha mahamarika ianareo eto, mba—mba hanehoana fa ity fiangonana ity dia eo anelanelan'ireto anankiroa ireto. Raha miditra ao amin'ny taonan'i Laodikia ianareo, na ny Taom-Piangonana Laodikia, "Fantatro ireo asanao," eo amin'ny fiafaran'ny taonan'i Laodikia mihitsy. Inona izany? "Ireo asanao, ary izay misy ny sezan'i Satana." Inona ny sezan'i Satana? Hitanareo, nandeha niverina avy hatrany nankao amin'ny anaram-piangonana iray indray.

¹⁵⁵ Ianareo Assemblées de Dieu, sy an'ny Tokana Pentekotista, ary Fianganan'Andriamanitra! Oh, tsy mahita ve ianareo, ry rahalahy, inona no nataonareo? Nandeha niverina avy hatrany nankao amin'ilay zavatra izay halan'Andriamanitra ianareo, mandrava ny firahalahiana. Jereo ny Assemblées de Dieu, ny sasany amin'ireo olona mahafinaritra indrindra eto amin'izao tontolo izao dia ao anatin'ireny Assemblées de Dieu ireny. Jereo ity fiangonana Pentekotista Mitambatra ity, tena mahafinaritra mihitsy izay hany nihaonanareo teo amin'ny fiainanareo. Jereo ilay Fianganan'Andriamanitra. Ary noho ireo rafi-pandaminana ireo, dia mifamaly izy ireo ary mivazavaza sy mifamaly, ka mifampiantso hoe "fihantonam-papangobe" sy "lava-boalavo." Nahoana, fahafaham-baraka izany!

¹⁵⁶ Ny zavatra anankiray izay halan'Andriamanitra dia "ny mamafy fisaraham-bazana eo anivon'ny rahalahy." Ary marina izany. Ary ireo rafi-pandaminana ireo no manao

an'izany, mamafy fisaraham-bazana eo anivon'ny rahalahy. Tokony hitsangana eo amin'ilay banga isika ka manao hoe, "Mpirahalahy isika!"

Tsy voazarazara isika,
 Vatana iray isika rehetra;
 Iray ao amin'ny fanantenana sy foto-
 pampianarana, (Ny foto-pampianaran'ny
 Baiboly)
 Iray ao amin'ny fitiavana.

¹⁵⁷ Tiako io hira fahiny io, *Mandrosoa, Ry Miaramila Kristiana*. Eny, tompoke.

¹⁵⁸ Ny fiafaran'ireo Laodikiana, niverina teo amin'ireo asa indray izy ireo, na ireo anaram-piangonana Pentekotista dia niverina nankao amin'ny anaram-piangonana. Ndao alaintsika ny andininy 15. Manana aho eto, "Andininy 15 an'ny Apokalypsy 3." Dia jereo raha tsy marina izany, ankehitriny. Apokalypsy 3, ary—ary...na ndao jerentsika, noraisiko naoty mihitsy izany. Apokalypsy...Oh, tsia, tsia, izaho—diso aho, andininy 15. Ilay izy dia ny andininy 15 an'ity toko iray ity ihany, maneho an'ilay zavatra iray ihany eto. Hia, ah-hah:

Fantattro ireo asanao, fa tsy mangatsiaka ianao na mafana:...

¹⁵⁹ "Fantattro ireo asanao." Naneho fa niverina nankany amin'ireo zavany voalohany indray izy ireo. Niverina niaraka tamin'ny herin'izy ireo ary niverina nankao amin'ireo anaram-piangonana Pentekotista. Ny andininy faha-15 an'ny—an'ilay toko iray ihany. Eny àry.

¹⁶⁰ Teo anelanelan'ireo taona anankiroa dia nanana hery kely izy ireo, teo anelanelan'ilay taonan'ny foto-pampianarana Nikolaita ara-anaram-piangonana. Ankehitriny, rehefa niforona ny Loterana teto, dia niverina nankao amin'ny Nikolaita, ireo arseveka malaza sy ny sisa. Avy eo dia tonga i Wesley, namorona an'ilay arsevekan'i Canterbury sy ireo malaza samihafa rehetra ireo izy ireo, io rehetra io no tao amin'ireo fiangonana sy ny sisa tao—tao amin'io taona io. Avy eo eto ao amin'ilay Pentekotista, dia miverina avy hatrany mankao amin'ilay zavatra iray ihany indray izy ireo, ireo anaram-piangonana malaza rehetra, ny foto-pampianaran'ny Nikolaita. Fa teo anelanelan'ireto taona anankiroa ireto dia nanokatra ny varavarana Izy ary nanome hery kely iray ho an'ny fiangonana mba ho velona kokoa indray mandra-panetsiny ny lohany, diniho any ka jereo hoe taiza ilay izy, raiso ny fanambarana. Miverena, jereo ny zavatra rehetra (torana, fantatrareo), ka ny zavatra voalohany fantatrareo, manomboka manetsika ny lohany sy mijery manodidina ary manetsika ny lohany.

¹⁶¹ Eo amin'izay ihany, nanonofy mikasika an'izany aho omaly hariva. Charlie, nihevitra aho fa nitifitra vontsira iray;

nahatorana azy niala teo amin'ilay rantsan-kazo. Ary nahita vehivavy antitra iray aho teo. Oh, tezitra tamiko mihitsy izy, saika handeha izy, hisambotra ahy. Ary nanana tady kely fotsy iray io vontsira io nanodidina ny tendany. Ary nandry teo io biby kely io ka nanetsika ny lohany indroa na intelo dia njery ahy, ary nitsoaka haingana arak'izay nahafahany nandeha izy, niverina avy hatrany nankao amin'ireo ala.

¹⁶² Fantatrareo, ary io vehivavy antitra io dia mety nidika hoe ny fiangonana. Sa tsy izany? Nanandrana hanitsaka ahy mafy izy, niala lavitra azy aho na ahoana na ahoana. Ary...Fa, oh, hazavana kely fotsiny, saingy ampy hahafantarana mba-mba...Fantattro fa nandeha teny an-dàlambe aho ary saika hamotipotika ahy izy teo, fa nahodiko haingana mihitsy ny Ford-ko; nanana fiara-tarikhina iray izy ireo taoriany, naongako ilay zavatra manontolo, nandeha tao amin'ilay lalana hafa, nisakana azy tsy hahazo ahy. Afa-niala fotsiny izy.

¹⁶³ “Ankehitriny, manana hery kely tavela ianao, noho izany dia te-hampiasa an’io hery io ianao mba hitodika ivoho marina tokoa eo anelanelan’ireo anaram-piangonana anankiroa.” Voamarikareo ve? “Nihazona Ny Teniny!” Diniho ilay andininy manaraka eto ankehitriny:

...iana dia manana *hery kely, ka nihazona ny teniko*,...

¹⁶⁴ “Nihazona Ny Teniko,” tahaka an’izany no nahazoan’izy ireo ny heriny. Tahaka an’izany no nahazoan’izy ireo ny fanambarany. Ilay anankiray izay nihazona ny Baiboly rehefa nanao printy ny Baiboly i Luther, ary nandeha nitety ny taonan’i Wesley sy ny sisa Izany, nihazona an’Izany izy ireo teo ary nihazona ny Teny; ary nahita ny fanambaran’i Jesosy Kristy ho Andriamanitra tonga nofo eo anivontsika, sy ny batisan’ny rano amin’ny Anaran’i Jesosy, noho izany dia niditra tao amin’ny azy avy hatrany izy ireo. Eo ianareo izao. Noho izany izy ireo—nandray Ny Anarany izy ireo tamin’izany. Hitanareo? Nahoana, izany dia mazava mihitsy tahaka...mazava kokoa noho ny famakiana gazety. Hitanareo? Izao fotsiny...Ary tsy afaka mandà an’izany ianareo, satria eto mihitsy izany. Voaseho ato amin’ny Baiboly eto mihitsy, ary indro eto mihitsy ilay izy, ary isika dia manana...Ny tantara izany. Teo marina tokoa no nanombohan’ny fiangonana Pentekotista sy nandraisany ny anarany, teo amin’ny 1908, ’10, ’12, teo tany ho any, nanomboka lavo izy.

¹⁶⁵ Ankehitriny, eny àry:

...ary tsy *nandà ny anarana...tsy nandà ny anarako*.

¹⁶⁶ Ankehitriny, tiako izany. Nanana an’ireo—nanana an’ireo fanalahidin’i Davida ankehitriny, Afaka mihazona Ny Teniny Izy ka—ka mampiditra ny Fanjakana ao anatinareo. Efa voambara Ny Anarany. Izy ireo dia nivoaka avy tao amin'ilay

fiangonana izay nanana “anarana iray hoe maty izy ireo,” ary ankehitriny izy ireo dia niditra nankao amin’ny fiangonana izay manana an’ilay Anarana, izany hoe, manana Fiainana. Hitanareo? Nivoaka avy tao amin’ilay maty, “Ray, Zanaka, ary Fanahy Masina.” Anaran’ny “Ray, Zanaka, ary Fanahy Masina,” tsy misy dikany akory aza izany. Hitanareo, nomena ho fanambarana iray izany teo. Ny Bokiny manontolo dia nosoratana teo ambonin’ny fanambarana. Izany no maha-izy azy, manambara ny Tenany Izy.

¹⁶⁷ Ankehitriny dia hoy Izy hoe, “Mandehana manao batisa ny olona amin’ny Anaran’ny Ray, Zanaka, ary Fanahy Masina,” Matio 28:19. Ankehitriny, iza amin’ireo anarana ireo no hampiasainareo? Ankehitriny, ny ankamaroan’ireo vahoaka triniterana dia manao batisa, “Amin’ny anaran’ny Ray, amin’ny anaran’ny Zanaka, amin’ny anaran’ny Fanahy Masina.” Tsy aratSoratra akory aza izany. Manontania olona iray. Jereo raha tsy izany no... Ilay izy dia amin’ny *anarana*, tokana, tsy hoe *ireo anarana*. *Anarana!* Anaran’ny Ray sy ny Zanaka ary Fanahy Masina. Hitanareo? Eny àry. Tsy anarana ny Ray; tsy anarana ny Zanaka; tsy anarana ny Fanahy Masina. Noho izany dia inona izany? Zavatra maty! Tsy misy anarana amin’izany. Fa amin’ny alàlan’ireo titra maty ireo...

¹⁶⁸ Amin’ny alàlan’ny Ain’i Kristy, no anambarany. Ary i Petera dia tsy maintsy nanana ny... Nitsangana teo mihitsy izy niaraka tamin’ireo fanalahidin’ny—an’ny Fanjakan’ny Lanitra teny an-tànany, ary ny Fanjakana dia ny Fanahy Masina; nihantona teo amin’ny valahany, ireo fanalahidin’ny Fanjakana. Amin’ny teny hafa, ny fanambarana, satria Jesosy no niteny taminy. Oh, rahalahy, tsy hitanareo ve izany? Petera no anankiray izay voatahy tamin’ny fanambaran’ny Fahamarinana. Ary nitsangana teo mihitsy izy tany, ka nandre an’i Jesosy nanao hoe, “Koa mandehana ianareo, ampianaro ny firenena rehetra, manao batisa azy ireo amin’ny Anaran’ny Ray, Zanaka, ary ny Fanahy Masina.”

¹⁶⁹ Nitodika i Petera ka nanao hoe, “Tompo, azoko antoka fa manana an’ireo fanalahidy aho eto. Manana ny fanambarana aho hoe inona no dikan’izany, satria fantattro fa tsy anarana ny Ray, tsy anarana ny Zanaka, ary tsy anarana ny Fanahy Masina, saingy fantattro hoe inona io Anarana io.” “Noho izany dia manao batisa anao amin’ny Anaran’i Jesosy Kristy Tompo aho.” Amena. Fioo! Marina izany.

¹⁷⁰ Ankehitriny, izany dia tahaka anareo namaky tantaram-pitiavana iray fotsiny. Ary ianareo... Izany ilay boky farany an’ny Matio, ampahany farany an’ny Matio. Raha naka tantaram-pitiavana iray ianareo, ny sasany aminareo ramatoa... Fantattro fa tsy manao an’izany ianareo, azo antoka fa tsy hanao an’izany ianareo; tsia, tsia. Hitanareo? Fa raha nanao ianareo fony ianareo mpanota iray, hitanareo, naka

an'ilay tantara ianareo tao amin'ny . . . fantatrareo, fony ianareo zazavavy antitra kely iray, ka nanao an'io tantara io, ary nanao hoe, "Jaona sy Maria dia niaina sambatra taty aoriana." Hah! Iza i Jaona sy Maria? Ankehitriny, fomba tokana ihany no ahafantaranareo hoe iza i Jaona sy Maria, izany dia, miverina any amin'ny fiandohan'ilay boky ka mamaky azy. Marina ve izany?

¹⁷¹ Eny, noho izany ao amin'ny faran'ny bokin'ny Matio, ilay andininy farany, izay nilazan'i Jesosy hoe, "Koa mandehana ianareo, ampianaro ny firenena rehetra, manao batisa azy ireo amin'ny Anaran'ny Ray, sy ny Zanaka, ary ny Fanahy Masina, mampianatra azy ireo hitandrina an'izay rehetra Nandidiako azy ireo." Ankehitriny, raha—raha tsy anarana ny Ray, ary tsy anarana ny Zanaka, ary tsy anarana ny Fanahy Masina, dia tsaratsara kokoa ny miverina any amin'ny fiandohan'ilay Boky. Hitanareo? Ankehitriny, raha miverina any amin'ny fiandohan'ilay Boky isika, ny toko faha-1-n'ny Matio, dia hitantsika io.

¹⁷² Tiako fotsiny ny hanome an'ity kisarisary eto ity satria mety misy olona eto izay mbola tsy nahita an'izany mihitsy. Diniho ity. *Ity* ilay Ray, *ity* ilay Zanaka, ary *ity* ilay Fanahy Masina. Ankehitriny, diniho tsara. Ray, Zanaka, Fanahy Masina. Izany no nolazain'i Jesosy tao amin'ny Matio 28:19. Marina ve izany? Ray, Zanaka, Fanahy Masina. Ankehitriny, iza *ity*? Ray? Henoy ry kilasy. Ray, Fanahy Masina, Zanaka. Ankehitriny, iza *ity*? Fanahy Masina. Iza *ity*? [Hoy ny fiangonana hoe, "Ray."—Mpand.] Iza *ity*? [Hoy ny fiangonana hoe, "Zanaka."] Zanaka. Eny àry. Ankehitriny, ity no Rain'Iza? Jesosy Kristy. Marina ve izany?

¹⁷³ Ankehitriny, Matio, ny toko faha-1, andininy faha-28, ndao vakiantsika izany. Haka an'ilay tantaram-pitiavana isika ankehitriny ka hahita hoe toy ny inona no vakiny. Ho hitantsika hoe Iza—Iza ity Olona ity izay, avy, izay Nolazainy hoe, "Mandehana manao batisa azy ireo amin'ny Anaran'ny Ray, sy ny Zanaka, ary Fanahy Masina." Eny àry. Ankehitriny, ny toko faha-1-n'ny Matio dia manomboka amin'ireo firazanana:

Ny bokin'ny firazanan'i Jesosy Kristy, ilay zanak'i Davida, ny zanak'i Abrahama.

Abrahama niteraka an'i Isaka; . . . Isaka nanana an'i Jakoba; . . .

¹⁷⁴ Ary manohy, manohy, sy manohy, ary manohy mandrapahatongany eo amin'ny—ny andininy faha-18. Ankehitriny, hitanareo, mandroso ianareo eto hatrany amin'ny andininy faha-17 ary . . .

Ary ny taranaka rehetra nanomboka tamin'i Abrahama hatrany amin'ny Davida dia taranaka efatra ambin'ny folo; ary nanomboka tamin'i Davida hatrany

amin'ny nifindrana tany Babylona...taranaka efatra ambin'ny folo; ary...ny fifindrana tany Babylona hatramin'i Kristy dia taranaka efatra ambin'ny folo.

Ankehitriny ny nahaterahan'i Jesosy Kristy dia toy izao: Rehefa...nanaiky ho fofombadin'i Josefa i Maria reniny,...

¹⁷⁵ Mamaky aoriako ve ianareo? Henoy tsara:

...Rehefa...nanaiky ho fofombadin'i Josefa i Maria reniny,...dia hita izy niaraka tamin'ny...talohan'ny nikambanan'izy ireo, dia hita izy fa niaraka tamin'ny zanaka iray avy tamin'Andriamanitra ilay Ray.

¹⁷⁶ Tahaka an'izany ve no vakin'io? Hita fa niaraka tamin'ny zanaka iray avy tamin'ny inona? [Hoy ny fiangonana hoe, “*Ny Fanahy Masina!*” —Mpand.] Eny, nihevitra aho fa nilaza ny olona iray hoe *ity* No Rainy. Ankehitriny, raha olona anankiray ny Fanahy Masina, ary olona iray hafa ny Ray, amin'izay fotoana izay dia nanana ray anankiroa Izy. Inona no azonareo? Zazasary iray. “Oh,” hoy ianareo, “izy...nanao hadisoana fotsiny izy ireo ka nanao printy diso iray teo.” Eny àry:

Ary Josefa vadiny, satria lehilahy marina iray... tsy...ary tsy te-hanao azy ho ohatra ampahibemaso iray, dia nieritreritra ny hametraka azy mangingina.

*Fa raha mbola nieritreritra an'ireo zavatra ireo izy, indro, ny anjelin'ny Tompo niseho teo aminy tamin'nynofy, nanao hoe, Ry Josefa, zanaki Davida, aza matahotra ny haka an'i Maria ho vadinao: fa izay ao an-kibony dia avy amin'ny...[Hoy ny fiangonana hoe, “*Fanahy Masina!*”]*

¹⁷⁷ “Ny vavan’ny vavolombelona roa na telo, no aoka hanorenana mafy ny teny rehetra.” Hitanareo? Ah-hah. Ny Fanahy Masina No Rainy. Eny, hoy Izy hoe “Andriamanitra” No Rainy. Ankehitriny, raha olona roa samihafa izy ireo, dia iza no Rainy? Hitanareo hoe aiza no misy ny tenanareo. Mampihantona ny tenanareo eo afovoan’ny antsasa-drivotra mihitsy ianareo. Hitanareo? Ankehitriny, tokony hilaza ianareo fa ny Fanahy Masina dia Andriamanitra Izy tenany! Izany no Fanahy Masina, izay Andriamanitra. (Ankehitriny, manana anankiroa ianareo ankehitriny, raha tokony ho telo.) Eny àry.

¹⁷⁸ Eny àry, andininy faha-21:

...izay ao an-kibony... (Iza no nametraka...Iza ilay Anankiray Izay nametraka an'io tao anatiny? Ny Fanahy Masina. Eny àry.)

Ka hiteraka zazalahy izy, ary ianao dia hiantso ny anarany (Anarana) hoe JESOSY: fa izy no hamonjy ny olony ho afaka amin'ny fahotany.

...izany rehetra izany dia natao, ...Ankehitriny izany rehetra izany dia natao, mba hahatanteraka an'izay notenenin'ny Tompo tamin'ny alalan'ny mpaminany, nanao hoe,

Indro, hitoe-jaza ny virijiny, ka hiteraka zazalahy, ary izy ireo hiantso ny anarany hoe Imanoela, ...izany hoe raha adika ...Andriamanitra miaraka amintsika.

¹⁷⁹ Iza No Anarany? Ankehitriny, iza i Jaona sy Maria izay niaina sambatra taty aoriana? Iza no Anaran'ny Ray, ny Zanaka ary ny Fanahy Masina? Rehefa teraka teto an-tany Jesosy, dia Izzy no Kristy ilay Tompo. Tamin'ny famoràna Azy (valo andro taty aoriana) dia nomen'ny reniny Azy ny Anarana ary ny Rainy no nanome Azy ny Anarana hoe "Jesosy." Izzy no Jesosy Kristy, ilay Jesosy Kristy Tompo, arak'izany.

¹⁸⁰ Tompo Izzy! Rehefa teraka Izzy, dia Izzy no Kristy ilay Tompo. Ary avy eo rehefa nandray Ny Anarany Izzy hoe "Jesosy," dia izany no nanao Azy ho Jesosy Kristy ilay Tompo. Izany marina tokoa no voambara tamin'i Petera, fantany hoe iza i Jaona sy Maria rehefa nilaza Izzy hoe, "Mandehana manao batisa amin'ny Anaran'ny Ray, Zanaka, Fanahy Masina." Noho izany, afaka ho voambara izany satria fantatr'i Jesosy fa i Petera dia nanana ny fanomezam-pahasoavan'ny fanambarana, Fantany, satria efa voambara taminy tamin'ny alalan'ny Fanahy tany ambony izany. Ary rehefa hitan'Andriamanitra fa afaka mandray an'ireo fanambarana avy any ambony io lehilahy io, dia afaka mahatoky an'io lehilahy io Izzy, manao zavatra miaraka aminy; rehefa voambara aminy izany, satria hoy Izzy hoe, "Tsy misy olona afaka manambara an'izany afa-tsy Ny Rainy." Andriamanitra no Anankiray tokana Izzy afaka manambara an'izany, ary Fantany fa i Petera tao...dia nifandray tamin'ny Fanahy. Noho izany izy...

¹⁸¹ Fantatr'i Petera ilay fanambarana, ary avy eo dia nandeha niakatra tany izy ka hoy izy hoe, "Mibebaha, ary aoka hatao batisa amin'ny Anaran'i Jesosy Kristy ho an'ny famelàna ny fahotanareo."

¹⁸² Ankehitriny, andro vitsy talohan'io mihitsy, dia niteny tamin'i Petera Jesosy, (Ilay fotoana iray ihany izay Nitenenany taminy hoe Iza ilay fanambarana hoe, "Eo ambonin'ity vatolampy ity no Hanorenako Ny Fiagonako, ka ny vavahadin'ny helo tsy haharesy Azy."), "Ary Lazako fa ianao no Petera, ka Homeko anao ireo fanalahidy." Oh! "Ireo fanalahidin'ny Fanjakana! Homeko anao ireo fanalahidy. Na inona na inona fatoranao ety an-tany, dia Hofatorako izany any An-danitra. Izay vahanao ety an-tany, dia Hovahako any An-danitra."

¹⁸³ Avy eo tamin'ny Andron'ny Pentekosta, tamin'ny fanokanana an'ilay Fiagonana, folo andro taorian'ny nilazan'i

Jesosy hoe “mandehana manao batisa amin’ny—amin’ny Anaran’ny Ray, Zanaka, ary Fanahy Masina,” dia fantatr’i Petera tamin’ny alàlan’ny fanambarana ara-panahy fa tsy misy izany karazana anarana izany hoe “Ray, Zanaka, Fanahy Masina.” Eny, tsy nisy olon-kafa nieritreritra an’izany talohan’ny taona Katolika. Ary ny olona rehetra izay natao batisa tamin’ny anaran’ny “Ray, Zanaka, ary Fanahy Masina” dia vita batisa tamin’ny finoana Katolika tokoa, (marina izany) fa tsy tamin’ny batisa Kristiana. Nisy ny . . . sisa nanamborana.

¹⁸⁴ Ankehitriny, tamin’ny Andron’ny Pentekosta, dia feno ny Fanahy Masina izy rehetra, ka niteny tamin’ny fiteny tsy fantatra sy—sy nihetsika toy ny hoe mamo izy ireo. Ary mamo izy ireo, mamon’ny Divay vaovao. Ilay Divay vaovao izay avy tany Andanitra, avy tany Kanana any ambony. Ary rehefa nihorakoraka sy nihiaikiaka izy rehetra ka nihetsika toy ny hoe mamo izy ireo sy ny sisa, dia nitsangana teo afovoan’izy ireo i Petera ka niteny tamin’izy ireo hoe “Tsy mamo izy ireo, fa izy ireo dia—izy ireo dia . . . Izao no nolazain’ny mpaminany fa hiseho, ‘Handatsaka Ny Fanahiny Izzy.’”

¹⁸⁵ Ary ankehitriny izy ireo—hoy izy ireo hoe, “Ry lehilahy sy rahalahy, inona no azonay atao? Ry lehilahy sy rahalahy, inona no azonay atao?” Izany ilay fanontaniana. “Ahoana no hahazoanay an’Izany? Iza no manana an’ireo fanalahidy?”

¹⁸⁶ “Avia eto, ry Simona. Ianao no manana an’ireo fanalahidy, sintony avy eo amin’ny valahanao izy ireo. Ary inona no ho lazainao? Tsarovy ankehitriny, hoy Jesosy Kristy hoe, ‘Raha fatoranao izany eto an-tany, dia Hofatorako izany any Andanitra. Raha vahanao izany eto an-tany, dia Hovahako izany any Andanitra.’ Ary raha Andriamanitra Izzy, dia tsy maintsy hihazona Ny Teniny Izzy.”

¹⁸⁷ Ankehitriny, ianareo pretra Katolika, asehoy ahy ny “famelànareo fahotana.” Niteny tamiko ny pretra Katolika iray indray mandeha, hoy izy, “Tsy nilaza ve Jesosy hoe, ‘Na fahotan’iza na iza no avelanareo, dia avela amin’izy ireo izany?’”

Hoy aho hoe, “Nilaza an’izany Izzy.”

“Na fahotan’iza na iza no hazoninareo, dia hotazonina amin’izy ireo izany?”

“Hia.”

“Izany hoe na iza na iza avelanareo, dia voavela izy ireo; na iza na iza tsy avelanareo, dia tsy avela izy ireo.”

Hoy aho hoe, “Izany marina tokoa no Voalazany.”

Hoy izy hoe, “Noho izany dia tsy nomen’i Kristy ho an’Ny Fiagonany ve, ary isika No Fiagonany, ny fahefana hamela fahotana eto an-tany?”

¹⁸⁸ “Nomeny tokoa.” Hoy aho hoe, “Ankehitriny, raha hamela azy ireo amin’ny fomba iray ihany izay amelàny azy ireo ianareo,

dia handeha hiaraka aminareo aho.” Hia. Hoy aho hoe, “Ahoana no namelàny azy ireo? Niteny tamin’izy ireo ve izy ireo hoe, ‘Mandehana manaova neuvaine’ na zavatra iray, na ilay fomba ataonareo?”

¹⁸⁹ Tsia, tompoko. Hoy i Petera hoe, “Mibebaha!” Amena. Io ilay fanalahidy, “Mibebaha, ny tsirairay avy aminareo, ary aoka hatao batisa amin’ny Anaran’i Jesosy Kristy ho an’ny famelàna ny fahotanareo, ary avy eo ianareo dia handray ny fanomezan’ny Fanahy Masina.” Ilay fanalahidy dia nanao hoe “klik” teto antany, ary nanao hoe “klik” tany An-danitra. Izany ilay Izy.

¹⁹⁰ Izany no antony rehefa nihaona tamin’ny sasany i Paoly izay efa vita batisa tamin’ny alàlan’ilay lehilahy iray ihany izay nanao batisa an’i Jesosy, dia hoy izy hoe, “Efa noraisinareo ve ny Fanahy Masina fony ianareo vao nino?”

Hoy izy ireo hoe, “Tsy fantatray na misy ny Fanahy Masina.”

Hoy izy hoe, “Ho amin’ny *inona...*” Raiso ny teny Grikanareo, nanao hoe, “Ahoana no nanaovana batisa anareo?”

Hoy izy ireo hoe, “An’i Jaona.”

Hoy izy, “Tsy hety intsony izany. Efa nikatona ny Lanitra. Tsy maintsy manatona ianareo; aoka hatao batisa amin’ny Anaran’i Jesosy Kristy.”

¹⁹¹ Noho izany dia nandre an’izany izy ireo, ka naverina natao batisa indray tamin’ny Anaran’i Jesosy Kristy. Ary rehefa nanao izy ireo, dia nametraka ny tànany teo amin’izy ireo i Paoly, tonga teo amin’izy ireo ny Fanahy Masina, niteny tamin’ny fiteny tsy fantatra sy naminany izy ireo.

¹⁹² Oh, rahalahy, izany no fiverenana any amin’ny fiandohana. Marina tokoa izany. Izany ilay “varavarana mivoha” izay napetraka eto mihitsy. Ara-jeografie dia marina izany, ireo Hazavan’ny hariva, ary ny Soratra tsirairay ao amin’ny Baiboly dia mitarika mankeo amin’izany mihitsy.

¹⁹³ Afaka mitsangana eto mandritry ny ora maro isika, ary manana dimy ambin’ny folo minitra amboniny aho, ary eo amin’ny fanazavana dimy amby telopolo samihafa hatao eto. Ary raha tsy vitantsika, dia halaintsika izy ireo amin’ny maraina raha tsy vitantsika izy ireo izao hariva izao. Eny àry.

¹⁹⁴ Ankehitriny, eny àry:

...ary tsy misy olona manidy azy; satria manana hery kely ianao, ka nihazona ny teniko,... (Eny àry). . . .ary tsy nandà ny anarako.

¹⁹⁵ Eo no ahazoantsika azy! “Tsy nandà Ny Anarako.” Efa voambara ny Anarana, nanalavitra an’ilay anaram-piangonana Sardisy tranainity maty, ary niditra tao amin’ilay Fianganana velona.

¹⁹⁶ Ankehitriny dia ndao alaintsika ny andininy faha-9. Ankehitriny, handinika isika ankehitriny, ho tonga eo amin'ny zavatra iray izay tena mampidi-doza isika:

Indro, halaiko ireo avy ao amin'ny synagogan'i Satana, izay milaza fa Jiosy, nefo tsy izy, fa mandainga; indro, hataoko tonga izy ireo ka hiankohoka eo anoloan'ny tongotrao, ary hahafantatra fa izaho efa tia anao.

¹⁹⁷ Eo no misy alina tsara iray feno, eo mihitsy. Diniho! Inona izy ireo ankehitriny? Ireo izay Niresahany, izay nahita Ny Anarany taorian'ity fotoana rehetra ity *eto*, niditra tao amin'ilay “Varavarana mivoha” Jesosy Kristy (nanana ny Tenin’ny Fiainana, efa feno ny Fanahy Masina), ary ankehitriny dia hoy Izy hoe, “Misy ireo eo anivonareo izay ao amin'ny synagogan'i Satana.”

¹⁹⁸ Ankehitriny, ry rahalahiko, raha tianareo fotsiny ny hiverina any amin'i—any amin'i Pergamosy, ao amin'ny Apokalypsy 2:13, iray minitra fotsiny, ary mamele à ahy haneho aminareo eto hoe inona marina tokoa izany: ny anaram-piagonana.

Fantattro ireo asanao, sy izay onenanao, dia eo amin'izay misy ny sezan'i Satana:...

¹⁹⁹ Eo ianareo izao. Ity Laodikiana ity...na, ny tiako lazaina dia ity taom-piagonana Nikolaita ity izay nanaovan'izy ireo anaram-piagonana. Ary diniho, mba hanehoana fa fiagonana iray izy ireo, synagoga iray, fiagonana iray, fiagonan'ny anaram-piagonana iray. Oh, rahalahy! “Ny synagogan'i Satana.” Noho izany, ireo asan'ny anaram-piagonana dia avy amin'ny devoly! Tsy ireo Kristiana, ankehitriny, tsarovy, Kristiana izy ireo, saingy ilay anaram-piagonana izy tenany. Eny àry.

²⁰⁰ Ankehitriny, efa voamarikareo ve fa hoy Izy hoe, “Ianao dia manana an'ireo eo anivonao izay milaza fa izy ireo dia ‘Jiosy,’ nefo hitanao fa mpandainga izy ireo.”

²⁰¹ Ankehitriny, tsarovy, ilay anjely lehibe... Ankehitriny iza no iresahany? Ity fiagonana farany ity, ity varavarana mivoha eo anelanelan'ireo fiagonana anankiroa ity.

²⁰² Ankehitriny, nampianarin'iza ilay taom-piagonana voalohany? Paoly. Ankehitriny ndao isika handeha ao amin'ny Romana 2:29 ka hahita hoe inona ny Jiosy iray, mba hanananareo antoka hahafantatra fa izany—tsy ny fisainako manokana mikasika an'izany ilay izy. Romana ny toko faha-2, ary ny andininy faha-29, an'ny Romana. Eny àry, eto isika izao:

Fa izy dia Jiosy iray, dia izay ao anaty; ary ny famoràna dia...avy amin'ny fo, ary amin'ny fanahy, fa tsy amin'ny soratra; ny fiderana an'ireny dia—dia tsy

*avy...ny fiderana an'ireny dia tsy avy amin'ny olona,
fa avy amin'Andriamanitra.*

²⁰³ Inona ny—*inona ny Jiosy iray? Kristiana feno ny Fanahy, Fanahy Masina!* “Fantattro fa eto ianao taorian’io taonan’ny fanamasinana io izay milaza fa izy ireo ‘dia manana ny Fanahy Masina,’ saingy izy no nilaza an’izany, Izaho tsy nilaza mihitsy.” Nilaza izy ireo fa nanana ny Fanahy Masina tsy nanana an’ireo famantaranana hanaraka, saingy hoy Izy hoe, “Mpandainga izy ireo.” “Izao famantaranana izao no hanaraka an’ireo izay mino.” Tsy afaka hanao Azy handainga. Oh, rahalahy! Izany dia manajamba anareo hatrany, hatrany. Hitanareo? Oh, oadray!

Izaho dia...Indro, haka azy ireo avy ao amin'ny synagogan'i Satana aho, izay milaza fa Jiosy izy ireo, (“Izay milaza fa izy ireo dia ‘Kristiana feno ny Fanahy,’ milaza; ilay synagoga, ilay rafi-pandaminana. Halaiko ireo izay milaza fa izy ireo ‘dia manana ny Fanahy Masina’, ary ny rehetra dia mandrafitra—nandrafitra eo. Tsy mbola manana ny fanambarana akory aza izy ireo!” Hitanareo? Eny áry.)...Hilaza aho...ireo izay milaza fa Jiosy izy ireo (hoe Kristiana), *nefa tsy izy, fa mandainga; indro, hataoko izy ireo...ho tonga sy hankohoka eo anoloan'ny tongotrao, ary hahafantatra fa izaho efa tia anao.*

²⁰⁴ Eto mihitsy no tsy maintsy nahatapaka tampoka an’ilay izy teo amiko tao amin’ny hafatry ny maraina. Izany dia ilay virijiny natory teo mihitsy. Afaka mahita an’izany ve ianareo? Oviana no nisy izany? Tamin’ny andro farany. Oh, rehefa nivoaka izy ireo. Eto no misy an’ireo... Hitanareo? Nohamarinina tamin’ny finoana izy ireo, nohamasinina. Nohamarinina tamin’ny alàlan’ny hafatr’i Luther, nohamasinina tamin’ny alàlan’ny eto, saingy diso an’ilay “Varavarana mivoha.” Hitanareo ve ilay izy? Nohamarinina tamin’ny finoana, tamin’ny alàlan’ny Luther; nohamasinina, tamin’ny alàlan’ny taonan’i Wesley.

²⁰⁵ Maro amin’ireo Nazareana sarobidy, Mpivahinin’ny Fahamasinana, Metodista Wesleyana, sy ny sisa, izy rehetra ireo dia miaina fiainana iray tsara, madio, nohamasinina, ary mihevitra fa manana ny Fanahy Masina; nefo mandre olona iray miteny amin’ny fiteny tsy fantatra, na zavatra iray, dia hihomehy azy izy ireo, haneso azy, ka hanao hoe, “Avy amin’ny devoly izany.” Rahalahy, nanisy tombokase ny fanamelohana anareo ianareo rehefa nanao an’izany. Niteny ratsy ny Fanahy Masina ianareo, izay tsy azo avela.

²⁰⁶ Eny, hoy ianareo hoe, “Mikambana amin’ilay fiangonana Voalohany izahay.” Tsy ahoako na fiangonana firy no ikambananareo. Tsy misy idiran’izany amin’ny Tenin’Andriamanitra, fa “aza manaisotra na manampy.” Marina izany, “Ireo synagogan'i Satana!”

²⁰⁷ Manantena aho fa tsy mandratra anareo. Izaho—halako mihitsy ny miresaka tahaka an'izany, saingy misy—misy Zavatra ao anatiko manosika ahy hanao an'izany. Tsy fantattro hoe nahoana aho no manao an'izany. Fantatrareo fa tsy tiako ny manao an'izany. Mahatsapa ho mahatsikaiky mihitsy aho rehefa milaza an'izany, kanefa tsy maintsy lazaiko ilay izy. Misy Zavatra ao manao ahy hilaza an'ilay izy. Halako foana ny mandrantsana an'ireo vehivavy, izaho—izaho mahatsapa tena... Mety mitomany ny vehivavy iray, ka mahatsapa ho mahatsiravina mihitsy aho. Izaho—halako mihitsy ny mandrantsana an'ireo vehivavy, saingy misy Zavatra ao manao ahy hanao an'ilay izy. Hitanareo? Vehivavy ratsy fitondrantena iray (Ooh, ry lehilahy!), Tsy afaka mahatanty an'izany fotsiny aho. Satria, misy Zavatra ao anaty manao ahy hanao an'ilay izy, ny Fanahy Masina.

²⁰⁸ Ary mijery eto amin'ny Teny eto aho, mieritreritra aho hoe, “Tompo, raha diso aho, dia asehoy ahy izany. Aza mamela ahy hanao an'izany mba handeha tahaka an'izany fotsiny. Ny olona tsy... Izaho tsy... Tiako ny olona, Fantatralo fa tia aho. Aza mamela ahy handratra na iza na iza, Andriamanitra, Fantatralo fa tsy te-hanao an'izany aho.”

²⁰⁹ Fa mitsangana ny Fanahy Masina ka manao hoe, “Mitsangàna eo amin’ity Teny ity! Mijanònà eo! Mijanònà tsara mihitsy eo amin’ity Teny ity!”

²¹⁰ Dia hoy aho hoe, “Eny, Tompo. Raha izany... Ianao no Sakaizako tsara indrindra. Ianao no anankiray tokana... Ianao no tena Sakaizako izay handeha... Anankiray tokana izay hanampy ahy rehefa lasa ity fiainana ity, noho izany dia hitsangana miaraka Aminao mihitsy aho amin'izay fotoana izay, Tompo.”

²¹¹ Inty aho tonga. Tsy te-handratra aho, aza diso fandray ahy azafady rehefa mandrantsana an'ireo rafi-pandaminana sy ny sisa aho. Talohan'ny nahafantaroko zavatra mikasika an'izany tany aloha, ny fiainako rehetra, dia efa nandrantsana an'izany aho. Tsy nino an'izany mihitsy, izany no antony tsy niraiketako tamin'izany. Ary... Eny àry. Misaotra Andriamanitra nohon'ny nihazonana ahy lavitra an'izany!

*Indro, halaiko ireo awy amin'ny synagogan'i Satana,
izay milaza fa izy ireo dia feno ny Fanahy, nefo tsy izy,
fa... mandainga; ary Izaho hanao azy ireo ho tonga...
hiankohoka eo anoloan'ny tongotrao,...*

²¹² Tsy tsaroanareo ve ilay virijiny natory rehefa nifoha izy? Ankehitriny, tsarovy, inona no niantsoana azy? Nisy folo tamin'izy ireo nivoaka mba hitsena ny Mpampakatra. Marina ve izany? Ny dimy dia hendry, nanana Solika tao anatin'ny fanilony. Firy no mahafantatra hoe inona no dikan'ny solika ao amin'ny Baiboly? Fanahy. Ankehitriny, tsy afaka nilaza ny

anankiray hoe, “Tsy nohamasinina ianareo, ary izaho tsy . . .” Nohamasinina izy rehetra, ny tsirairay avy tamin’izy ireo. Ny rehetra nohamasinina; fa ny dimy no tena hendry (mba hahazo ny fahendren’ny fanambarana) mba hahatakatra an’io Varavarana io, hitanareo, mba ho feno ny Fanahy. Nanana Solika izy ireo tao amin’ny fanilony, fa ireo hafa tsy nanana Solika. Ary rehefa nifoha izy ireo, nahoana, indro izy ireo fa nanatona azy ireo, nanao hoe, “Oh! Oh! Omeo sasantsasany amin’ny Fanahy Masinareo aho, Solika. Omeo sasantsasany!”

²¹³ Hoy izy ireo, “Hia, miala tsiny, rahavavy, ampy ho an’ny tenako fotsiny no ananako. Azoko antoka fa tsy manana hotehirizina aho.”

²¹⁴ Noho izany . . . ary raha mbola . . . Hoy izy hoe, “Mandehana mivavaka mafy.” Ary raha mbola lasa izy ireo mba hitady sasantsasany, dia tonga ny Mpampakatra ary niditra tao amin’ny Sakafo harivan’ny Mpanambady izy ireo; fa izy ireo dia tavela tany ivelany, izay handalovan’izy ireo an’ilay vanim-potoan’ny Fahoriambe an’ny . . . Diniho kely fotsiny, andininy vitsivitsy amboniny, ho hitanareo fa mandeha avy hatrany ao amin’ilay vanim-potoan’ny Fahoriambe izy ireo. Hitanareo?

²¹⁵ Ankehitriny, ilay natory . . . Halaintsika izany amin’ny maraina. Hia, mino aho fa ho tsaratsara kely kokoa raha hiandry an’izany isika, satria ho tonga eto isika ankehitriny saiky eo amin’ny fotoana mihitsy, eny àry, hamaranana.

²¹⁶ Ankehitriny ndao isika hijery:

Indro, izaho dia . . .

Hitan’izy ireo fa mpandainga izy ireo, hoe tsy manana ny Fanahy Masina izy ireo.

²¹⁷ Zavatra kely anankiray fotsiny eto, azafady, raha mbola miaraka isika rehetra. Jodasy Iskariota, araka ny nolazaiko omaly hariva, dia zanaky ny fahaverezana. Hoy ny Baiboly hoe, “Teraka ho zanaky ny fahaverezana izy.” Noho izany izy rehefa . . . Ary Jesosy Kristy dia teraka ho Zanak’Andriamanitra. Noho izany, dia Andriamanitra no nipetraka tao amin’i Kristy. Marina ve izany? Ny . . . Satana no nipetraka tao amin’i Jodasy. Raha Izy no Zanak’Andriamanitra, teraka ho Zanak’Andriamanitra, ilay Zanak’Andriamanitra nitsofoka; amin’izay fotoana izay dia teraka ho zanaky ny fahaverezana i Satana, izy no ilay nitsofoka . . . ny zanaky ny fahaverezana, Satana, ny devoly.

²¹⁸ Ankehitriny, raha mahamarika ianareo, dia nanakambana ny tenany *tamin’i* Jesosy izy, ary lasa isan’izy ireo. Hitanareo? Ankehitriny, ny antony nanaovany an’izany, dia ny hanao an’io famitahana io mba ahafahany hiditra ao amin’ity fiangonana ity amin’izao andro izao. Ankehitriny, hoy Jesosy hoe, “Avy amin’i Satana ireo synagoga ireo.” Oh, oadray! Nanaitra ve

izany? Synagogan'i Satana izy ireo! Izany no Jodasy mihambo ho Kristiana iray.

²¹⁹ Inona ilay zavatra lehibe an'i Jodasy? Ny vola. Ny fisintonana goavana indrindra an'ireo zavatra betsaka ireo amin'izao andro izao dia ny vola. Jereo ny Assemblées de Dieu, manorina tranobe enina tapitrisa dolara eto, nefà mampianatratra fa "ho tonga eo no ho eo ny Tompo." "Oh, mihantona ao amin'ireo tranoheva mba hanapoaka antsika ireo baomba," nefà manorina tranobe enina tapitrisa dolara. Oh, oadray. Eny, manan-karena ary tsy manana ilaina... Handray an'izany isika rahampitso hariva, ankehitriny, raha sitraký ny Tompo.

²²⁰ Mariho eto ankehitriny. Oh, jereo hoe goavana toy ny ahoana ireo fiangonana, ireo rafi-pandaminana goavana ireo. Manambatra ny volany izy ireo ary... Oh, mamindrà fo! Lasa mpanapitrisa fotsiny izy ireo... manana toe-bola mihitsy aza, fikambanana mpampindram-bola eo anivon'izy ireo, sy ny zavatra rehetra. Mampindrana vola sy ny sisa, ireo fiangonana. Rahalahy, tsy toy ny apostolika izany amiko.

²²¹ Hoy Petera hoe, "Tsy manana volafotsy sy volamena aho, fa izay ananako..." Omeo ahy Izany, ka alaivo ny volanareo rehetra. Marina izany. "Tsy manana volafotsy sy volamena aho, fa izay ananako no omeko anao: Amin'ny Anaran'i Jesosy Kristy..." Izany no nananany, ny fanambarana an'Izany. "Omeo anao: Amin'ny Anaran'i Jesosy Kristy mitsangàna ka mandehana."

²²² Eny àry, ankehitriny dia hitantsika eto fa izy ireo dia "synagogan'i Satana." Ankehitriny, ahoana no nahafahan'izy ireo ho izany? Ankehitriny, Jodasy rehefa tonga izy... Jereo ankehitriny! Saiky tamin'ny fotoana nahatongavan'i Jesosy teo amin'ny sehatra mihitsy, no nahatongavan'i Jodasy teo amin'ny sehatra. Voamarikareo ve izany? Ary saiky tamin'ny fotoana nialan'i Jesosy teo amin'ny sehatra mihitsy, no nialan'i Jodasy teo amin'ny sehatra. Saiky tamin'ny fotoana niverenan'ny Fanahy Masina indray teo amin'ny sehatra mihitsy, no niverenan'i Jodasy teo amin'ny sehatra. Fanahin'ny antikristy, mba hiasa, sy ireo zanaky ny tsi-fankatoavana ihany koa, tsy mihevitra ny Baiboly, fa mihevitra an'ilay-ilay anaram-piagonana. Hitanareo? Ary nanao azy ireny ho synagoga iray izy ireo! Ary hoy Jesosy eto hoe, "Izany no synagogan'i Satana." Taiza? Nipetraka tao amin'ity taona *eto* ity. Ahoana no nanombohany *teto*? Tamin'ny alàlan'ny rafi-pandaminana iray. Izany ilay zavatra iray ihany izay nataon'izany *eto*. "Ny synagogan'i Satana." Azonareo ve ilay izy?

²²³ "Ilay synagogan'i Satana," hoy Izy, "izay milaza fa feno ny Fanahy izy ireo." Ankehitriny, ahoana no nahafahan'izy ireo nilaza an'izany?

²²⁴ Jodasy, rehefa teto an-tany izy, dia nihaona tamin'i Jesosy, nanao fiaikena anankiray hoe mpino iray an'i Jesosy izy, ary lasa mpitam-bola, nitondra ny vola rehetra. Marina ve izany? Fantatraloreo rehetra izany. Ankehitriny, raha nino an'i Jesosy Kristy izy, dia nanaiky (am-pisandohana) ny fanamarinana. Marina ve izany? Ao amin'ny Romana 5:1, "Koa amin'izany satria efa nohamarinina tamin'ny finoana." Marina izany. Eny àry.

²²⁵ Ankehitriny, avy eo dia zavatra iray hafa, ao amin'ny Masindahy Jaona 17:17, Nanamasina azy ireo tamin'ny Fahamarinana Jesosy, hoy Izy hoe, "Ny Teninao no Fahamarinana," ary Izy no Teny.

²²⁶ Dia Nomeny hery izy ireo hanohitra an'ireo fanahy maloto; mba hivoaka ka hanao asam-panasitranana, sy handroaka devoly, ary—ary hanao an'ireo karazana fahagagana rehetra. Ary rehefa niverina izy ireo, niaraka tamin'izy ireo i Jodasy...Diniho ankehitriny, ry Nazareana, Metodista Wesleyana! Niverina, nifaly, ary faly tafahoatra, ka nidera an'Andriamanitra, sy nihiaikiaka satria nanaiky azy ireo ny devoly. Dia hoy Jesosy hoe, "Aza mifaly satria manaiky anareo ny devoly, fa mifalia satria voasoratra ao amin'ny Bokin'ny Fianana ny anaranareo."

²²⁷ Ary tsarovy fa isan'izy ireo i Jodasy! Hitanareo, afaka namitaka an'ilay fiangonana avy hatrany tao amin'izany izy. Nivelatratra mihitsy izy tao amin'ireo laharana ireo, fantatraloreo, saingy rehefa tonga teo amin'ny Pentekosta ilay izy dia nasehony ny lokony. Izay marina tokoa no nataony tao amin'ilay Voalohany, tao amin'ilay fiangonana Metodista, sy izay nataony tao amin'ilay fiangonana Nazareana, ary tao amin'ireo Fianganan'Andriamanitra sy izy ireo, tonga hatrany amin'ny fanamasinana mihitsy; rehefa tonga teo amin'ny batisan'ny Fanahy Masina ilay izy mba hitenenana amin'ny fiteny tsy fantatra, sy banana famantarana sy fahagagana, dia nomelohin'izy ireo Izany.

²²⁸ Handeha any amin'ny lalan'ny fanasitranana avy amin'Andriamanitra ho anareo izy ireo. Azo antoka, nanao koa i Jodasy. Hitanareo? Saingy rehefa... Misy maro ny fanasitranana avy amin'Andriamanitra. Eo amin'ny lalan'ny ireo amin'izao andro izao, rahalahy, mitsangana mandritry ny adiny roa ka manao hoe, "Ho may ny vokatraloreo raha tsy manome azy ireo dimampolo dolara isan-kariva ianareo, ny tsirairay." Ary io karazan-javatra rehetra io, ny devoly izany. Azo antoka fa izany. Mino ny fanasitranana avy amin'Andriamanitra amin'ny foko rehetra aho. Fa io karazan-javatra io dia avy amin'ny devoly, tanteraka, avy amin'ny devoly io. Tsy ahoako na firy no azonareo atao, na mbola firy; Jodasy dia namoaka devoly, ihany koa.

²²⁹ Hoy Jesosy hoe, “Maro no hanatona Ahy amin’izany andro izany, hanao hoe, ‘Tompo, Tompo, izaho...tsy efa namoaka devoly tamin’Ny Anaranaao ve aho ary nanao asa lehibe?’”

²³⁰ Hoy Izy hoe, “Raha nanao ianareo, dia tsy mahafantatra na inona na inona mikasika an’izany Aho. Mialà amiko, ianareo mpanao meloka, tsy nahafantatra anareo Aho.” Azo antoka.

²³¹ Oh, rahalahy, “ety ny vavahady, ary tery ny lalana, fa ho vitsy no hahita Azy.” Miresaka mikasika an’io “vitsy” io isika satria ao amin’ny taona farany isika izay hisy vitsy fotsiny. Raiso Izany, azafady, ry rahalahiko!

²³² Aza mihevitra fa mitsangana eto aho... Aleoko... Raha ho ahy, izaho dia—izaho dia... Ho ahy, dia afaka hanao marimaritra iraisana amin’ny tenako aho ka hanao hoe, “Ndao raisintsika ny Assemblées de Dieu na hetsika iray, hikambana amin’izy ireo fotsiny dia handeha hiaraka amin’izy ireo.” Fa, Oh, rahalahy, lozako raha manao an’izany aho! Lozako! Mahafantatra tsaratsara kokoa noho izany aho. Handefa ahy any amin’ny helo Andriamanitra nohon’ny fanaovana karazanjavatra tahaka an’izany. Eny, tompoko. Raha manana anankiray aho... Tsy maintsy manisy tombokase ny filazako amin’ny fiainako aho, tsy maintsy hanisy tombokase an’izany mihitsy aho, izay ihany. Satria misy Zavatra ato anatiko, tsy afaka manao an’izany ho an’ny inona na inona eto amin’izao tontolo izao aho.

²³³ Fantattro fa izany no Fahamarinana, ary tsy maintsy manohana an’izay Fahamarinana aho, ka ny Baiboly no manohana an’Izany. Manohitra an’Izany ny rafi-pandaminana, saingy ny Baiboly no milaza fa marina Izany. “Aoka ny tenin’olona ho lainga, fa ny Azy ho marina.” Izany no Fahamarinana, izany ilay Izy, mijanòna amin’Izany fotsiny.

...manao an’ireo... ny synagogan’i Satana, ... (Eny ary)... Ka ho fantatr’izy ireo... ho tonga eo antongotrao, ary... hahafantatra fa izaho... efa tia anao.

Satria ianao efa nitandrina an’ireo tenin’ny faharetako, dia izaho koa hiaro anao amin’ny oran’ny fakam-panahy, ...

²³⁴ Diniho ankehitriny, mba hanehoana fa ity dia tsy ny taona Metodista no resahako, kanefa, ilay fifampitaingenana izany. Jereo! Vonona ny hihaino ve ianareo? Ny olona rehetra? Henoy tsara ankehitriny:

Satria ianao efa nitandrina ny tenin’ny faharetako, dia izaho koa hiaro anao (io sisa nanamborana kely io) amin’ny oran’ny fakam-panahy, izay...

²³⁵ Ho tonga eo amin’ny toerana iray ny fiangonana izay tsy maintsy hahavoatery anareo hiditra ao amin’io rafi-pandaminana io na—na ho...ianareo dia tsy maintsy—tsy

maintsy hanana an'izany ianareeo, rahalahy. Izay ihany. Na ianareeo ho lasa voarafitra na handray ny mariky ny bibidia, na handray...Na ianareeo handrafitra an'izany, na hiditra ao amin'ilay anaram-piangonana (izay ho lasa mariky ny bibidia tokoa), satria familihana iray izany. Hitanareo?

...ho tonga eo amin'ny...izay ho tonga eo amin'izao tontolo rehetra izao, mba hizaha toetra an'ireo izay monina ambonin'ny tany.

Indro, avy faingana aho: tano mafy izay anananao, mba tsy hisy olona haka ny satroboninahitrap.

²³⁶ Ankehitriny ity “fakam-panahy” lehibe ity, ilay oran’ny fakam-panahy izay ho tonga mba hizaha toetra an’izao tontolo rehetra izao, dia mankao amin’ny Fahoriambe. Ho hitantsika izany afaka minitra vitsy fotsiny. Manohy mankao amin’ny Fahoriambe, ary ny Fahoriambe dia tsy tonga tamin’ny andron’i Wesley. Noho izany dia ao amin’ny taona inona no misy antsika? Inona io “Varavarana” mipetraka eo aloha io? Izany dia eo anelanelan’ilay Wesley sy ny...izay androsoan’ny fiangonana izao ankehitriny izao, ary efa ao, mankany amin’ilay taonan’i Laodikia. Fa ity toerana kely *eto* ity mihitsy, tao anatin’ireo dimy amby telopolo, efapolo taona farany, dia efa “varavarana mivoha” nipetraka eo anatrehan’ny olona mihitsy mba hidirana, ka haka an’ilay Sisa nanamborana Andriamanitra ary hanisy tombokase Azy. Ary izy ireo dia hanohy hankao amin’ilay matimaty ka handò azy ireo avy ao amin’ny Vavany Izy. Hohafezina ny asa, ary miakatra ilay Fiangonana, ary indro miditra ilay hetsika antikristy ho an’ny fandravàna. Tanteraka mihitsy, mifanaraka amin’ny Baiboly manontolo manerana mihitsy. Eny àry, ankehitriny.

²³⁷ Ary eto ihany koa no fisehoan’ilay virijiny natory. Eto no manaporofa fa ilay farany amin’ireo taom-piangonana dia mandeha hatrany amin’ilay ampahany voalohan’ny Pentekosta, satria manohy miditra ao amin’ilay Fahoriambe Lehibe izy ireo izay ho tonga ao amin’ny...izay tsy tonga tao amin’ny taonan’i Wesley.

²³⁸ Andininy faha-11, eny àry, “satroboninahitra Fiaianana iray.” Ny—hoy ny andininy faha-11 hoe:

Indro, avy faingana aho:... (Inona? Haingana mihitsy aorian’ity ankehitriny, hitanareo.)

Indro, aho...tano mafy izay anananao (tehirizo izany), mba tsy hisy olona haka ny satroboninahitrap.

²³⁹ Inona ny “satroboninahitra”? Inona ny satroboninahitra? Izany dia—izany dia—izany dia...*Satroboninahitra* dia midika fa ianareeo dia “manana—manana tany iray.” Mpanjaka iray ianareeo raha asiana satroboninahitra. Hitanareo? Ary zanak’Andriamanitra isika rehefa nasiana satroboninahitra tamin’ny Fiaianana Mandrakizay, ary ny tanintsika dia

ny tany, "Manao anareo ho mpisorona sy mpanjaka ho an'Andriamanitra." Marina ve izany. Noho izany dia eo ianareo izao.

²⁴⁰ Ary ao amin'ilay Jerosalema Vaovao, dia ahoana fa ireo mpanjakan'ny tany aza dia mitondra ny voninahiny mankao amin'ilay Tanàna any. Oh, mahafinaritra izany! Ndao...raha te-handray an'izany ianareo. Hitancareo, tahaka ny mamiratra fotsiny tahaka ny kintana, ireo satroboninahitra. Ary Daniela 12:3 dia manome famaritana lehibe, goavana an'izany, raha tianareo ny handray naoty an'izany. Angamba haka fotoana mandritry ny minitra vitsy fotsiny isika handraisana an'izany. Ndao raisintsika Daniela, izay lazainy eto, ao amin'ny toko faha-12-n'ny Daniela. Eny àry. Ndao isika hanomboka amin'ny voalohany, ny toko faha-12:

*Ary amin'izany andro izany i Mikaela dia...
(Hitancareo? Oh, fantattrareo hoe iza izany!)...dia...
hitsangana, ilay andrian-dehibe izay mitsangana ho
an'ny zanaky ny vahoakanao: ary hisy andro fahoriania
iray, (Inona izany? Aorian'ity mihitsy. Fahoriambe!)...
izay tsy nisy tahaka azy mihitsy hatramin'izay nisian'ny
firenena ka hatramin'izany andro izany: ary amin'izany
andro izany dia ho afaka ny vahoakanao, ny tsirairay
avy izay hita voasoratra ao amin'ny boky.*

*Ary maro amin'ireo izay matory ao amin'ny vovoky
ny tany no hifoha, ka ny sasany ho amin'ny fiainana
mandrakizay (ilay satroboninahitra), ary ny sasany ho
amin'ny henatra sy latsa mandrakizay.*

*Ary izay hendry dia hamirapiratra tahaka ny
famirapiratry ny kintana; ary izay mamerina ny maro
ho amin'ny fahamarinana dia...tahaka ny kintana
mandrakizay sy mandrakizay.*

²⁴¹ Oh, rahalahy, io ny "Satroboninahitrareo," ilay satroboninahitra be voninahitra an'ny Fiainana Mandrakizay! Ny satroboninahitry ny Fiainana Mandrakizay.

²⁴² Andininny faha-12, haingana mihitsy alohan'ny isika... Ary neveriko fa hiala eto isika aorian'ity ankehitriny.

*Izay maharesy dia hataoko andry iray ao amin'ny
tempolin'ny Andriamanitro,...*

²⁴³ Ankehitriny handalovantsika tena haingana mihitsy ity satria efa nihoatra dimy minitra aho. Fa afaka matory kely ianareo amin'ny maraina, sa tsy izany? Mama, avelao izy hatory. Ianareo mifoha tsara mihitsy, fa i Papa dia somary sarotra mifoha. Fa avelao mihitsy izy hatory kely fotsiny. Mivoaha tena moramora, ataovy ny kafeny, na inona na inona ataony, dia ho falifaly tsara izy.

Izay maharesy dia hataoko andry iray ao amin'ny tempolin'ny Andriamanitro, . . .

²⁴⁴ Oh, ndao alaintsika teny amin'ny teny izany mandritry ny iray minitra fotsiny. Haharitra miaraka amiko hatramin'izany ve ianareo, kely fotsiny? Fantattro fa mafana ny andro, ary fantatrareo fa mafana ihany koa ny eto. Saingy ndao jerentsika:

. . . Izaho dia hanao ny . . . Izy izay maharesy dia hataoko andry iray ao amin'ny tempolin'ny Andriamanitro, . . .

²⁴⁵ “Andry.” Ny *andry*, na ny “fanorenana.” Fanorenana ao amin’ny tempoly an’ilay Trano, na ilay Tranon’Andriamanitra. “Ny *tempolin’ny Andriamanitro*,” na, “ny ‘Trano’ an’Andriamanitro.” Izany dia andry iray, ilay fanorenana. Ireo dia ireo izay nandray ny Teny izay ren’izy ireo (ao amin’ny andininy 8), ka niverina nankany amin’ny fanorenana.

²⁴⁶ Ndao alaintsika ankehitriny ny Efesiana 2:19, ao amin’ny fiangonan’i Efesosy. Fantatrareo, tsy maintsy miverina ao Efesosy ianareo, izany ilay fiandohana. Marina ve izany? Eny àry, ndao isika hiverina ao Efesosy izay nisy an’i Paoly, ilay fiangonana izay naoriny. Ary ndao jerentsika ankehitriny hoe aiza no misy antsika. Eny àry, ny fiangonan’i Efesosy. Ndao isika hiverina ankehitriny ka hahita hoe inona io fanorenana tany aoriana tany io, ka hahita izay nolazain’i Paoly mikasika ny fanorenana tao amin’io taom-piangonana voalohany io tany. Ankehitriny dia miresaka amin’ireo Efesiana izy:

Noho izany ankehitriny dia tsy vahiny na mpivahiny intsony ianareo, fa tompon-tany miaraka amin’ireo olomasina, sady ankohonan’Andriamanitra;

Ary voaorina teo ambonin’ny fanorenan’ny . . . (Loterana, sa an’ny—sa an’ny Batista . . . Ankehitriny, andraso, mikorontana tanteraka aho, sa tsy izany? Ah-oh.)

Fa voaorina teo ambonin’ny fanorenan’ny apostoly sy ny mpaminany, Jesosy Kristy izy tenany ho vato fehizoro;

²⁴⁷ Ny zavatra rehetra dia niditra teo amin’ilay Varavarana, Jesosy! “Ary izay maharesy dia Hataoko andry iray izy.” Amin’ny teny hafa, ampanhan’ilay fanorenana. “Inona no Homeko azy? Hametraka ny Foto-pampianaran’ny apostoly sy ny mpaminany hatrany amin’ny voalohany ao aminy Aho, ary hanome azy ny Fanambarana.” Inona no nolazain’ny mpaminany mikasika Azy? Izy no Mpanolo-tsaina, Andrian’ny Fiadanana, Andriamanitra Mahery, Ray mandrakizay. Izany no nolazain’izy ireo, ireo mpaminany, ireo apostoly. “Ary izay maharesy an’ireo synagogan’i Satana rehetra ireo, hihazona ny tenany ho afaka ka hijery mahitsy mankany amin’ilay Vavahady, dia Hataoko andry iray izy, Hapetrako ao anatin’io fanorenan’Ny Teniko io izy ao

amin'ny Tranon'Ny Andriamanitro." Oh, oadray! "Hapetrako ao anatin'io andry eo io mihitsy izy, ao anatin'io fanorenana izay ipetrahanareo io mihitsy ao amin'ny Teny." Amena. Tiako izany, rahalahy, tsara Izany. Mety mihetsika mahatsikaiky aho, izaho... saingy mahatsapa ho tsara aho. Eny àry.

... *hanao azy ho... Izy izay maharesy... hanao azy
ho andry iray ao amin'ny tempolin'ny Andriamanitro,
ka tsy hiala intsony izy:...*

Inona izany? Raha andry iray izy, dia tsy hiala intsony. Izy no Ampakarina! Marina izany.

²⁴⁸ Tahaka ny nananan'ny taonan'i Efesosy, tahaka ny nampianaran'i Paoly azy ireo ao amin'ny Asa... Ankehitriny, andraso iray minitra. Raha ho lasa andry iray ianareo... Nanana Soratra iray hafa aho teto izay tiako homena anareo alohan'ny ahatongavantsika eo amin'ilay Ampakarina. Ankehitriny, raha ho lasa andry iray izy, dia hiverina any amin'ny Efesosy ianareo, hiverina any amin'ilay taona izay nisy an'i Paoly ianareo. Ary i Paoly, ilay anjelin'i Efesosy, izay fiandohan'ny fiangonana, ny fanorenana, dia nampianatra azy ireo hoe, "Raha natao batisa tamin'ny fomba hafa izy ireo ankoatran'ny Anaran'i 'Jesosy Kristy,' dia tsy maintsy averina hatao batisa." Marina izany, Asa 9, na 5:19, na 19:5, raha ny marina. Ao amin'ny Galatiana 1:8, hoy izy hoe, "Raha anjely iray no nampianatra zavatra hafa, dia aoka izy ho voaozona."

²⁴⁹ Izy ireo ihany koa no Ampakarina tao amin'ilay tempoly. Ankehitriny dia ndao isika handeha ao amin'ny Apokalypsy ny toko faha-7, hahita raha izy ireo no Ampakarina, ny toko faha-7-n'ny Apokalypsy.

²⁵⁰ Ankehitriny, izaho dia mety, izaho—izaho... Miresaka isika eto, an'ilay sisa nanamboran'ny Israely, ny efatra arivo amby efatra alina amby iray hetsy, sy ny sisa, fa ndao isika—ndao isika handingana an'izany kely fotsiny ka hidina eto amin'ny andininy faha-12. Hatao hoe, favoriana pentekotista iray ilay izy tany! Ity dia ireo olona izay... oh, hitanareo... Eny, hanomboka isika eto eo amin'ny andininy faha-9 satria ny voalohany dia ho an'ny Israely, ary nisy efatra arivo amby efatra alina amby iray hetsy tamin'izy ireo voaisy tombokase, izay ho raisintsika rahampitso.

Ary... *Taorian'ireo dia hitako, fa indro, olona
betsaka, izay tsy azon'ny olona isaina,...*

²⁵¹ Ankehitriny, tsarovy, manomboka amin'ny 4 hatrany amin'ny 8 dia Israely, izany hoe ireo ionoka, ny mpiambina ny tempoly. Hitanareo, halaintsika izany amin'ny maraina, raha sitraky ny Tompo. Ankehitriny, manisy tombokase Izy eo, ireo foko roa ambin'ny folo rehetra. An'ny fokon'i Joda, nanisy tombokase roa ambin'ny folo Izy; Robena, nanisy tombokase roa ambin'ny folo Izy; an'i Gada, nanisy tombokase roa ambin'ny folo Izy; sy Levi; sy Zebolona; ary Benamina, roa ambin'ny folo.

Ary foko firy no misy ao Isirael? [Mamaly ny fiangonana hoe, “Roa ambin’ny folo.”—Mpand.] Eny, firy ny roa ambin’ny folo ampitomboina roa ambin’ny folo? Efatra arivo amby efatra alina amby iray hetsy. Ary izy ireo dia zanak’Isirael avokoa; fantatr’i Jaona izy ireo, ny tsirairay avy, Jiosy iray izy.

Taorian’izany . . . indro, maro an’isa, izay tsy azon’ny olona isaina, (Indro tonga ny Jentilisa.) avy amin’ny firenena rehetra, . . . fokom-pirenena, . . . fiteny, nitsangana teo anatrehan’Andriamanitra, sy . . . ny Zanak’ondry, niakanjo tamin’ny akanjo fotsy, ary sampan-drofia no teny an-tànanay;

²⁵² Izany dia ireo olona mahantara tany izay maty (ka ireo liona no nihinana azy ireo, sy ny zavatra hafa rehetra) ho an’ity Filazantsaran’ny Fanahy Masina izay mitohy mitete rà ity. An’alinaliny tamin’ireo ankizy kely no niaraka tamin’ny lohany tapaka teny an-dàlambe, sy ny zavatra hafa rehetra, nitsangana teo izy ireo! Nanao akanjo fotsy, ary sampan-drofia no teny an-tànanay. Oh, oadray!

Ary niantso tamin’ny feo mahery izy ireo, nanao hoe, Ny famonjena anie ho an’Andriamanitsika izay mipetraka eo ambonin’ny sezafiandrianana, sy ho an’ny Zanak’ondry.

. . . Ny famonjena anie ho an’Andriamanitsika izay mipetraka eo ambonin’ny sezafiandrianana, . . . ho an’ny Zanak’ondry.

Ary ireo anjely rehetra dia nitsangana nanodidina ny sezafiandrianana, sy ireo loholona ary ireo zavaman’aina efatra, . . . niankohoka teo amin’ny . . . niankohoka tamin’ny tavany teo anoloan’ny sezafiandrianana, ka nivavaka tamin’Andriamanitra,

²⁵³ Henoy, raha tsy mihevitra ianareo fa favoriana pentekotista iray ity:

Nanao hoe—nanao hoe, Amena: Saotra, . . . voninahitra, . . . fahendrena, . . . fisaoarana, . . . haja, . . . hery, . . . faherezana, anie ho an’Andriamanitsika mandrakizay sy mandrakizay. Amena.

²⁵⁴ Fioo! Toy ny hoe nanana lasim-pivoriana iray izy ireo teo, sa tsy izany? Ah-hah.

. . . ny anankiray tamin’ireo loholona dia—dia namaly, nanontany ahy hoe, . . . na, nanao tamiko hoe, Iza moa ireo izay miakanjo akanjo fotsy ireo? ary avy taiza izy ireo?

“Ankehitriny, Jiosy iray ianao, fantatralo ireo foko roa ambin’ny folo rehetra. Ankehitriny, iza moa ireo? Avy taiza izy ireo? Manao akanjo fotsy izy ireo, avy taiza izy ireo? Tsy ilay fokon’i Benjamina sy ireo hafa. Iza moa ireto eto ireto?”

²⁵⁵ Ary Jaona dia tena . . . ? . . .

... Hoy aho taminy hoe, Tompoko, ianao no mahalala.
 (“Izany no—izany no nahazo ahy! Izaho—izaho . . .”
 Hitanareo?) . . . Dia hoy izy tamiko hoe, Ireo dia izay
 tonga avy tamin’ny fahorianana lehibe, ary nanasa ny
 akanjony, sy nanao azy ireny ho fotsy tamin’ny ràn’ny
 Zanak’ondry.

Satria . . . Noho izany izy ireo dia eo anoloan’ny
 seza fiandrianan’Andriamanitra, (ao anatin’ny Trano)
 ary dia hanompo azy andro aman’alina ao anatin’ny
 tempoly: ary izy izay mipetraka eo ambonin’ny seza
 fiandrianana dia honina miaraka amin’izy ireo.

(Toy ny hoe noana kely izy ireo, sa tsy izany?) Tsy ho
 noana intsony izy ireo, (Voninahitra!) na hangetaheta
 intsony izy ireo; na tsy hamiratra eo amin’izy ireo ny
 masoandro, intsony, na ny hafanana.

Fa ny Zanak’ondry izay eo afovoan’ny seza
 fiandrianana no hamahana azy ireo, sy . . . hitarika
 azy ireo ho amin’ny loharanon’ny rano: ary ho
 fafan’Andriamanitra . . . ny ranomaso rehetra amin’ny
 masonry.

Io Izy, io ny Ampakarina. Oh, oadray! Tsara tarehy toy ny
 ahoana! Ny Ampakarina!

²⁵⁶ Ndao isika hijery izay Nolazainy eto ankehitriny, mba
 hananantsika antoka fa tsy diso an’izany isika ankehitriny, ny
 faha-12:

Izay maharesy dia ho andry iray ao amin’ny
 tempolin’ny Andriamanitro, ary . . . dia tsy hivoaka
 intsony: . . .

Mitsangana eo miaraka amin’ny Mpampakatra ny
 Ampakarina. Oh!

²⁵⁷ Oh, oh, raha afaka hanana fotoana isika handraisana an’izay
 noraisiko (izany dia ho an’ilay boky eo); tao amin’ny Apokalypsy,
 nanao hoe, “Ny mpanjakan’ny tany rehetra dia nitondra ny
 hajany nankao.” Izany dia tahaka ny . . . (ao amin’ny tandindona)
 ny fokon’i Levy: ny sisa rehetra tamin’izy ireo dia nandoa ny
 ampahafolon-karena taminy, hitanareo; nanomboka tamin’ny
 voaloham-bolana iray hatrany amin’ny iray hafa, sabata iray
 mankany amin’ny iray hafa, dia nandeha niakatra hivavaka izy
 ireo. Ho andro iray toy ny inona izany! Eny àry. “Ary Izaho
 dia . . .” Ndao jerentsika, “Tsy hivoaka intsony.” Eny àry:

... andry iray ao amin’ny tempolin’ny
 Andriamanitro, . . . ary hosoratako eo aminy ny
 anaran’ny Andriamanitro, . . .

²⁵⁸ Ankehitriny, iza no Anaran’Andriamanitra? Jesosy. Raha
 te-handray naoty an’izany ianareo (Miha-tara kely isika.),

“Jesosy!” Hoy ny Efesiana 3:15 hoe, “Any An-danitra sy eto antany, ny rehetra dia antsoina hoe Jesosy,” hitanareo. Eny àry. Eny àry, ankehitriny. Eny àry:

...sy ny anaran’ny tanànan’Andriamanitro, dia ilay Jerosalema vaovao, izay midina avy any an-danitra avy amin’Andriamanitro: Hapetrako eo aminy... (Oh! Raha mahita ianareo, izany dia ilay Anarana iray ihany daholo, tokony efa ho azonareo izany. Hitanareo? Hitanareo?)... Hapetrako eo aminy...ny anaran’ny tanànan’Andriamanitro,...

²⁵⁹ “Ny Tanàna.” Mandroso Izy ka manao hoe, “dia ilay Jerosalema Vaovao.” Hitanareo, ilay Jerosalema Vaovao. “Hapetrako eo aminy ilay Jerosalema Vaovao.” Ankehitriny, ny Ampakarina, na ilay Fiangonana, no Jerosalema Vaovao. Firy ny mahafantatra an’izany? Ilay Fiangonana izy tenany no Jerosalema Vaovao. Mino an’izany ve ianareo?

²⁶⁰ Ndao porofointsika mihitsy izany. Apokalypsy 21, heveriko fa izay ilay izy, io no ilaiko. Eny àry, ndao jerentsika eto mba ahafahantsika maneho aminareo. Hoy ny Baiboly hoe, “Zahao toetra ny zavatra rehetra,” hitanareo. Ankehitriny, Apokalypsy 21. Oh, henoy mihitsy ity...ity...henoy ity, raha tianareo ny hahita hoe inona io Tanàna vaovao Azy (Anaran’Andriamanitra) io.

Ary nahita lanitra vaovao sy tany vaovao aho: fa ilay lanitra voalohany sy...ny tany voalohany dia efa lasa; ary ny ranomasina tsy nisy intsony.

Ary izaho Jaona dia nahita ny tanàna masina, ilay Jerosalema vaovao, nidina avy tamin’Andriamanitra tany an-danitra, voaomana tahaka ny ampakarina efa nihingo ho an’ny vadiny.

²⁶¹ Ilay Fiangonana vaovao—vaovao dia ilay Fiangonana Jentilisa, ny Ampakarina. Ny Ampakarina dia Jentilisa iray, ary ny Jentilisa no manana Ny Anarany. Naka vahoaka iray avy tamin’ny Jentilisa nohon’Ny Anarany Izy. Mino an’izany ve ianareo?

²⁶² Raha tsy mino an’izany ianareo, dia mamadiha ao amin’ny Asa 15:14 dia jereo. Asa 15:14, raha tianareo ny hamadika ao amin’izany iray segondra fotsiny, ary isika dia...avy eo ianareo dia... Asa ny toko faha-15 ary ny andininy faha-14, mino aho fa ho hitantsika izany. Ankehitriny, efa saiky vonona ny hamarana mihitsy isika. Asa 15, ary ny andininy faha-14:

Ary taorian’izany dia nihazona ny fahanginany izy ireo, namaly i Jakoba, nanao hoe, Ry lehilahy sy rahalahy, henoy àry aho:

Simeona efa nanambara hoe toy ny ahoana no namangian’Andriamanitra ny Jentilisa tamin’ny

*voalohany, mba haka vahoaka iray avy amin'izy ireo
ho an'ny anarany.*

Ah-hah. Eny àry, io Izy. Oh!

²⁶³ Ankehitriny dia heveriko fa efa saiky tena akaikin'ny farany amin'izany izao, ary ankehitriny dia hamarana isika amin'ny filazana fa Izy io.

*... ary hosoratako eo aminy ny anaran'Andriamanitro,
sy ny anaran'ny tanànan'Andriamanitro, ...*

Izany dia ilay iray ihany daholo: Jesosy, Jesosy, Jesosy. Ary nivady tamin'i Jesosy ny Ampakarina, manao azy ho Rtoa. Jesosy; sy ny sisa, hitanareo.

²⁶⁴ Misy vehivavy tena tsara tarehy ato amin'ity tranobe ity izao hariva izao, tena tsara tarehy, saingy misy anankiray amin'izy ireo izay ahy, mitondra ny anarako izy. Manantena aho fa azonareo izany. Mitondra ny anarako izy, ho toy izany koa Ny Ampakariny. Eny àry:

... Izaho dia hanoratra eo aminy ny anaran'Andriamanitro, ... dia ilay Jerosalema vaovao, izay midina ... na, ny tanànan'Andriamanitro, dia Jerosalema vaovao, izay tonga midina avy amin'Andriamanitra ... avy any an-danitra tamin'Andriamanitro: ary hosoratako eo aminy ny anarako vaovao.

²⁶⁵ Tsaratsara kokoa ho ahy ny mamela an'izany hipetraka tsara, sa tsy izany? Eny àry. Mariho, "izy" tokana izany. Ankehitriny raha hiverina any amin'ny Apokalypsy 2:17 iray minitra fotsiny ianareo, hijery an'izany mihitsy indray iray secondra fotsiny:

Izay manan-tsofina, aoka izy hihaino izay lazain'ny Fanahy amin'ireo fiangonana; Ho an'izay maharesy dia havelako hihinana ny mana miafina, ary homeko vato fotsy iray izy, ary ao amin'ny vato fotsy dia misy anaram-baovao voasoratra, izay tsy misy olona mahafantatra afa-tszy izay mandray azy.

²⁶⁶ Tsy tianareo ve Izy? Tsy mahafinaritra ve Izy?

Tiako Izy, tiako Izy
Satria nitia ahy mialoha Izy
Ka nividy ny famonjeko
Teo amin'ny hazon'i Kalvary.

²⁶⁷ Fantatrareo, tiako ny mihira ao amin'ny Fanahy aorian'ny fivoriana izay anananareo an'io fandrantsanana sy ny rehetra io. Ary ianareo? Oh, toy ny ahoana no itiavako miditra ao amin'ny Fanahy arak'izany. Ny Teny! Hitanareo, milatsaka ny Teny ankehitriny, ankehitriny ny zavatra tokana Ilainy dia hamandoana iray. Hitanareo, fiderana sasantsasany, avy eo dia

manomboka mitombo Izzy, hitanareo. Oh, tsy tianareo ve Izzy? Ndao isika hanangana ny tànantsika ka hihira an'izany:

Tiako Izzy, tiako Izzy
 Satria nitia ahy mialoha Izzy
 Ka nividy ny famonjeko
 Teo amin'ny hazon'i Kalvary.

²⁶⁸ Oh, ndao fotsiny isika hanondrika ny lohantsika ka hanao hoe: “Ray, tianay Ianao. Tianay Ianao. Oh, toy ny ahoana no itiavanay Anao! Misaotra Anao fotsiny izahay, tena betsaka, Tompo. Oh, ny—ny fon’olombelonay mahantha dia tsy afaka haneho an’izay tsapanay ao anatinay, satria toy ny ahoana no Nanasanao anay tao amin’Ny Rànao Manokana. Vahiny izahay, Tompo. Izahay—nitia an’ireo zavatr’izao tontolo izao izahay, ary izahay dia tena—tena nikorontana teo tao amin’ireo zavatr’izao tontolo izao, fa nidina Ianao nohon’ny Fahasoavanao ka nanatsotra an’ireo Tànanao sarobidy masina nankao amin’ireo fotaky ny fahotana izay nisy anay, namoaka anay, nifidy anay, nanasa anay, nanadio anay, nametraka Fanahy vaovao tao anatinay, ka nametraka ny fitiavanay teo amin’ireo zavatra any ambony. Toy ny ahoana no itiavanay Anao, Tompo!”

²⁶⁹ Ao amin’ity taona voafitaka ity, izay tsy misy na inona na inona hafa eto amin’izao tontolo izao tavela ho anay, Tompo. Tsy misy na inona na inona tavela ho an’izao tontolo izao, izany dia—izany dia—eo amin’ny andro farany izany. Mahita amin’ny alàlan’ny Baiboly izahay, lasa ny taona tsirairay. Ao amin’ny farany izahay ankehitriny, mandositra haingana. Tsy ho ela dia ho tonga Jesosy. O Andriamanitra, areheto ny fonay, aza mamela anay hipetraka tsara. Mieritreritra aho, inona no ho nataon’i Masindahy Paoly malaza raha teto izy izao hariva izao ka ho nahita an’ireo zavatra arak’izay maha-izy azy ireo? Ahoana fa izy . . . Io lehilahy io, ho nataon’izy ireo tao am-ponja izy alohan’ny misandratr’andro, ho teto izy niteny tamin’ireo olona mba ho vonona amin’ny fihavian’ny Tompo.

²⁷⁰ Ao amin’ity ora ity, Tompo, dia misy marary maro satria indro ireo mosara sy fangatahana mipetraka eto. Mivavaka aho mba Hanasitrananao ny tsirairay avy amin’izy ireo, Ray. Fantatray fa izany dia ampanahany iray amin’ny Asam-panompoanao izay Porofoinao tsy azo lavina ho ny Fahamarinana, “ireo famantarana manaraka ny mpino.” Avy teo amin’ny vatan’i Paoly no nitondran’izy ireo an’ireo mosara sy aron’akanjo ka nalefa nankany amin’ny marary; ary nivoaka avy teo amin’izy ireo ny fanahy maloto, ka sitrana izy ireo satria dia nino an’ilay Andriamanitra velona ny olona. Ekeo indray izany izao hariva izao, Ray, raha mametraka azy ireo eo Aminao aho, amin’ny alàlan’i Jesosy Kristy.

²⁷¹ Ary ankehitriny, Tompo, mivavaka aho mba Handraisanao ny fanahinay eo an-Tànanao, sasao izahay, pasohy izahay, satria

Izao no voalaza fa Ianao dia “ho avy ho an’ny Fiangonana iray tsy misy pentina na fikentronana.” Aoka ilay vy mahamay an’ny Fanahy Masina hanery mihitsy an’ireo fikentronana rehetra hiala aminay, ary hihantona ho vonona ho an’ny fihavian’ny Zanak’olona izahay.

²⁷² Ankehitriny, Ray, mivavaka izahay mba hitoetra eo aminay ireo Fitahianao. Manompoa miaraka aminay, Ray. Manompo Anao izahay. Mitsangana izahay izao hariva izao ka manolotra ny fonay ho Anao. Izahay...[Elanelana tsy voarakipeo—Mpand.]



NY TAOM-PIANGONANA FILADELFIA MAG60-1210
(The Philadelphian Church Age)
ANDIAN'NY FANAMBARAN'I JESOSY KRISTY

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Sabotsy hariva, 10 Desambra, 1960, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org